


OOTECH OOCHU
TAKEHNIYA TINKLES
ST. MARK



The Gospel According to Mark in the Beaver language of
Canada

**OOTECH OOCHU TAKEHNIYA TINKLES ST. MARK
The Gospel According to Mark in the Beaver language of Canada
L'Evangile selon Marc dans la langue Beaver du Canada**

Public Domain

Language: Dane Zaa (Beaver)

Translation by: Rev. A. C. Garrioch

Contributor: The Church Missionary Society

Originally published in 1886 by the British and Foreign Bible Society. This book is now in the PUBLIC DOMAIN.

2015-03-17

PDF generated using Haiola and XeLaTeX on 25 Nov 2022 from source files dated 9 Oct 2020

5f7d1ab3-d1e6-527f-a8da-865af2d2e293

Contents

ST. MARK	1
--------------------	---

OOTECH OOCHU TAKEHNIYA TINKLES ST. MARK

Tghachyestla Ehlahti.

¹ Hatseto mawotich oochu Jesus Christ, Tikeaootli ma chue; ² Takeh nichatinkles akehe koonachatyat kehe, Oosooasi sakewotihche nachatyea atghuni oochu naaootle.

³ Hligi otyesta tike kemweh toowe ooli,
Atghuni oochu ahasoonesun,
aghahati tsiwoeseh kwetoooyakehe.

⁴ John tane tukeghingklit kemweh, hatse tane tatilon tunaghakeooskli-
ti ahtilon otlwechi keochehhalon kehe aghametseli oneochetolel asilon.

⁵ Kahchu yinkhadeshalon tike okehe otsi Judaea, kahchu aghatane
yateh otsi Jerusalem, kuihe sahke Jordan aghanetye tukukeghinkllion,
koometselihi kooatuoochatih. ⁶ John ghatai manatsunne għigħeze għa
egħayulon natun atyetalon atazi syeh kahchu atazi syeh ihe nanhkk-
lulon: oohchu yaskesi yu achalino yu ayilai yetsetlon; ⁷ Oochu toowe
ooli yeħtilon, yetsi ootelon, Hligi sooniya sataihchi anati, nakyeklule
aghħoo atu enasoo machi chunoostyeli mamakeeoosut. ⁸ Suni la tu ihe
naghħakyeihklit: ahwole atai tu ihe nagħħakyeiħħili Atsinde Oochu ihe.

⁹ Occhu għeise wazeluh ayi dzine, Jesus otsidesha Ion Nazareth
Galilee otsi, John tuyakeghinkllion Jesus Jordan otsi. ¹⁰ Kwete tu tsi
tghatyeza tsiwohzon, wailon yake kwa mataħatsatagħiolon, yakeotine
yetxi nateżalon oietli etye: ¹¹ Oochu otech yake otsi atitsuklon, toowela
ooli oti ihe, Nila otaiħchi nwasti Sachue.

¹² Kwete atsinde aħlu tike tsi yateħalon kemweħħi. ¹³ Koochi
kemweħħi atu tane nuklechi tioketi dzineke kooali, yakaoteħun Metseli
aghħaqħatai; kahchu ghatai metseli ihkyateslon; kahchu oochu woei
oochu yetsinatilon.

¹⁴ Kootoo John kwechaghinhħiylon tane kwechaghinhħiinti, Jesus
yuhħidesha Galilee, koħħootyeh otech oochu Nagħha Tgħa makaon-
adzutti otsi, ¹⁵ Kahchu toowela ooli, Tyeneti Nagħha Tgħa kyeyi:
naghħametselihi kyechahli, oochu otech oochu aha kootahti.

¹⁶ Iħteżon tu chok Galilee tħamweh klontyesha, sailon Simon yu
Andrew yu mekye yu tyemil tayesklu tu chok: atai tane taesklu tane
eli. ¹⁷ Oochu Jesus toowela ooli yehti, Sakyetaħtyel, koħ hanahooslihi
oohħru hluge keħchi enahooslihi tane niyutooleli chon otsi. ¹⁸ Kwete
tagħħat�emile echaghanelon kikyeħtyeshalon.

¹⁹ Oohħru oontsutli tontyo tyesha, yaiħ James Zebedee machue,
kahchu John mekye, atilon tachin ela ehkye atyi tyemil keyatinklulon.
²⁰ Kwete tyechi yeħtilon: kwa tagħha echughanelon tachin ela ehkye
atiy Zebedee oochu keotihche yu, oohħru kikyetyesklit.

²¹ Oohħru kochi għażiexi Capernaum; kahħu kwete
tanegħhaotat yech kwa kwiya mnejjitti dzineneħ tane chehotyeh.
²² Oneqħanintyellon yaotihħi: kooatinti yaotatiheh otech oochu tatħi
natsuti keħchi ayihoo mawoochuli, atu adeskles tane keħchi. ²³ Oohħru
ieħti kweħi atiħi hligi teze ta kwa tanegħhaotat yech yaghħati metseli ayiħ;
kahħu ootyestalon, ²⁴ Toowe ooli, Atu aghħaititaniah; atu ooli nagħha

assitli iyo aoohti, nuni Jesus Nazareth otsi? Yuhchitiyala aghayaonila? Atanasti nelesi Nagha Tgha Maatsinde Oochu ooiih.

²⁵ Jesus toowela ooli yehti, yachioote, Atu oonatih yehti, setseghatiyah yetsun tsi. ²⁶ Kootoo aghaghatai tsunale too yayaghinchil, oohtye ootyestalo, yetsi hadesha. ²⁷ Aghanetye ooghatesta, aghanetye chu koohtaghoati, tiyeohtye, yetike aloontye? ye tane tsi oochatih koonte? Aha koottesti otech oochu gha saghatai mayis atu natset. ²⁸ Koohchu onthe atyeh meghoyuh yito kwa Galilee.

²⁹ Ayite otsi, ghaghatestyeton taneghaotatyechi kwa otsi, kweghagh-intyetyl Simon Yu Andrew Yu kwa, James Chu John Chu. ³⁰ Simon tsiyue ma tyelasatyi teskoone ayila, oohchu koohoohati. ³¹ Yechidesha yila inchut, kahchu tahyatinti; kwete ayi teskoone ayila yecheli, ayi oota yakeotihch.

³² Hatse kahkachi, naghioo, kiya nanila yatitine, yaghi chu mazichi yaghatai metselihi. ³³ Kahchu atghe ehlaititi tane natihti tyechik-laghatati tusklahti. ³⁴ Kahchu atghazi tatihi akooyilalon ayeeah natlone yehtanintyelon, kooyaghatai metselihi natlon oonteslalon; kahchu atu ketselihoo wahti iyao-ohti, achi atayatilon ayiwooh ayehti.

³⁵ Kahchu hatlindo, setseheto tsitike satalon, hadesha, kahchu koondeshalon aghasuchalechi, kahchu iehti yachutatyeh. ³⁶ Kahchu Simon yehkyatehchi kikyehatestyettlon. ³⁷ Kikihtitsi, toowela ooli kiyehtilon, Atghe tane ninkhaghanatgha.

³⁸ Towehchu yehti, Tane natehtsi otsidooshai kooche oohoostihoo oochu, kootatooshiga lasasta aoontye. ³⁹ Kahchu tane tsiwoghintalon taneghaotatyech kwa kwe Galilee, kahchu atsinde metseli ghayatehalon.

⁴⁰ Kahchu machitatestyel tane tsusachi yaghoone yatsi nioonunisit, kahchu machi nachustachaklih, kahchu toowela ooli yehtilon Kooh koodinti ate oochu asaghoonlehassi.

⁴¹ Kahchu Jesus, atyetastihtoo madzye tatilon nati gha tiesunni ihe, yetsi tahtatitichlon, kahchu yakatehtich lon, kahchu toowela ooli yehtilon, Kooh koosti; kwakoola oochu anatyeh. ⁴² Tsiwohzon otatyech otye, susuchi yetselilon, kahchu oochu oohtyelon.

⁴³ Kahchu yatilon tsiwohzon itintiah, kahchu oochu tyehalon; ⁴⁴ Kahchu toowela ooli yehtilon, Atu kahchu ooli ataoonti niwotine: kahchu achutiya, nazi yueh taneghaotatyech metihi, kahchu khaniah naoochu oohtyi ihe yaghi Moses za kyehchi, ata kiyutihi. ⁴⁵ Kahchu hadesha, oohtye awonetye khootawootyelon, kahchu tike okehe khootawotyelon, kwa hlilon Jesus atu tanetghakweya tyetachatlihi kwa iyu meheaoontye, ahwole kemwehchi tike alilon, kahchu kiyinkhatestyettlon ewonetyetsi otsi.

2

Tghachyestla Onketi

¹ Kahchu kwiyalon Capernaum tahke dzine oolitatatich wazilate; kahchu kooachatilon ayiti nito kwa oota ko-ochati ihe mewoyu.

² Kwete natlone tyechi ghlaghatilon, kwa hlilon taghadesmanlon attulit ookuzze ooli ghintlon kye, kwa hlilon tusla aghoo ooghata taghadesman ghintlon kye; kahchu sa yatilon. ³ Kahchu kiyinkhatestyettlon yatilonooh yatitihi ihe, tyentane kooyahtyel. ⁴ Kahchu atu

ugha otsighatatyel iyua aoontye ootaneghutl kye, nighatilalon anetiyi ootaneghutl kye alinti; kootoo ghaghatagheoo yatilone, kitaghintsut takeustyi tyela satyechti.⁵ Kootoo Jesus wai aha oochati, toowela ooli yehtilon ayi yatilone, Sechue, nametselihi naoonchatuleli.

⁶ Ahwole tahkine ayiti tyechii adesklesne, kahchu koodzye otsi indighateshalon,⁷ Yeoogha ti teze atu oochu ateotye? mea metsehhi ka oontoolelassi kootahtye Nagha Tgha zon?

⁸ Kwete Jesus ataotio yaghatei intidesakehe, toowela ooli yehtilon, Yehoo oohtye naghadzye ihe intidaa aoontye?⁹ Tyeyi meotena acha-tooti kehe yatilone, Nametselihi naoonchatoolel; koolehe, Tsitike sintia, nustyi neodiah?¹⁰ Atawahtihi iyu aoontye hligi teze Machue natsutti ayehi chode tike kakametselihi naghaoontooleli, (toowela ooli yehtilon yatilone.)¹¹ Toowela nesih, Niiya, nustye nioodiah, nakwa otsidiya.¹² Kwa kwete niiya, ustyi nioodioo, kahchu hadesha aitye yai; kwa hlilon atghe yaooli, kiyaooli Nagha Tgha, toowela ghatyeh, Atu haoontyedi oohwetyi tahooli.

¹³ Kahchu tu chok meootyesha; atghe aghanetye machichatyesha, kwa yaotatich.¹⁴ Intyizon ghayalu, yailon Levi Alphaeus ma chue sata sooniya mechetilichti, toowela ooli yehtilon, Sakyetiya. Kahchu niiya yekehtesha.

¹⁵ Hesai wazeluh Jesus yakwa kwesata atsitsoo, natlone tanechowhoine chu metseline chu Jesus yakahtehtsi yaotatichne chu: oohchu ghintlone, kooketestyel chu.¹⁶ Kootoo hatseto adesklesne chu Pharisene chu kiyaiichi inka aghatsitsoo tanechowhoine chu metseline chu, toowela ooli yehtilon yaotatichne, Yehoo yakaatsits aoontye yakah chu tuaton tane chowhoine chu metseline chu?

¹⁷ Kootoo Jesus ootitsahoo, toowela ooli yehti, Yaghine oochu oontyene atu kiyinkhasootati yutane, yatithizon: atu yuhchidaya tyechi kooyusine tyeswe yaghitan, ahwole ayi atu tyeswe yaghitan chodeh kyetsahanohoolehe koometselihi ooghatihuali.

¹⁸ Kahchu yaotatichne John chu Pharisene chu ooneaghatatihya toonkye: kahchu yuhchihatestyel toowela ooli, yehoogha yaotatichne John chu Pharisene chu ooneataatehya aoontye, ahwole nuni maghot-intichne atu ooneataatehya?

¹⁹ Kahchu Jesus toowela ooli yehti, Maskyege la kwa nichiyehi kooyehkyatechi ooneatatulela la? kooyehkyatechton atu ooneataatehya iyu aoontye.²⁰ Ahwole kwa kwete khoonahwozetas, kootoo mka tuchainklitne kwiya kwa oochayihate, kahchu ayi dzine ooneatatuyelassi.

²¹ Atu chu ooli koonde ale ooli tsatse ihe kyechatooohkatassi, yaikoole koonde ihe kechagħingħati kwa hlilon hleooju awotiass.²² Kahchu atuline tata ahklitassi chiche tu koonde satsoone tontyeto otsi: atu chu chiche tu ooli tsatse tataooħklit ootookyezasi, kahchu natesklitchiche tu, kahchu mataootsayih oontookyezasi: ahwole chiche tu koonde ooli ta koonde chuhklitassi.

²³ Kahchu otles tghah niya achuniyehti Mnejitti Dzine; kahchu yaotatichne makye ghateħlu atgħe inchaghakinesla otles.²⁴ Kahchu Pharisene toowehchu vehti, Nye, yehoo koohħagħati aoontye Mnejitti Dzine atu tu dzine kooh ghatsati iyu aoontye?

²⁵ Kahchu toowela ooli yehti, Atu makyeħ ootaħtyech tah oolila David aoontli kootoo intaklinto kahchu tapatoo, atane chu ayi vehkyatiche

chu? ²⁶ Kwiye sikooh Nagha Tgha kwa, intyizon Abiathar taneghaotatyechi metihi chok acha, kahchu kiyatsetslon otles oochu atuline yetsetslon gha yai zon taneghaotatyech, kahchu yayigholayi yehkyatiche.

²⁷ Kahchu toowela ooli yehti, Menejitti Dzine achilalon tane gha, kahchu atu chu tane Menejitti Dzine gha: ²⁸ Ayigho teze Chue ghakaooodzut Menejitti Dzine.

3

Tghachyestla Taiti.

¹ Kahchu tyetachatlihi kwa kwiya: ayiti teze natyelon mila taneskyelon. ² Kahchu kiyunailon, ooka ooli asityeh kha Menejitti Dzine nai; kitalih iyu aoontye. ³ Kahchu toowela ooli yehti ayiti teze mila taneskye, Hatelon atichi nazutooh.

⁴ Tooweh chu yehti, Oochu la oochu keoochuahch Menejitti Dzine, ketseliooh keoochuahch? tane ghaghatai gha kasoochatooti gha koole? Ahwole atu ooghati. ⁵ Kahchu anetye klokanatghalon madzyehatsutooh, kyeoocheklah ihe tane dzye natsutti, tooweh chu yehti teze, Tahtatinti. Ooh kahchu tahtatintieh: oohchu mila natsaghinhtalon achune kehchi. ⁶ Kahchu Phariseene achughatestyelon, kwete hla nighohanintalon yai chu Herodianuk, tiwakehe soo ookitoohtelu.

⁷ Ahwole Jesus achutyezha yaghotine chu tu chok tsi: Kahchu tane natlone Galilee otsi yu Judaea otsi yu yekehatestyetl. ⁸ Kahchu Jerusalem otsi, kahchu Idumaea otsi, kahchu o-one otehchi otsi Jordan, kahchu aghatane ahthaze Tyre yu Sidon yu, ghintlon ke, ooghatitsuk chi ayi oochu keoahchi, kiyinkhadesha. ⁹ Kahchu yaotatichne tatilon, ela ckok natsutli ootagha iiti wothoogha kooghohtyi tane natlon ke kha ati makechichiticha. ¹⁰ Atane natlone yaghihti ihe; kwa hlilon yinkghan-otyesuts yakatutihikha, anetye ayi tatihi akooyahine. ¹¹ Tane yaghatai mindicheli kahchu kiyainchi ate, kyechinachustaklih, kahchu ghatyezul toowe la ooli kiyehti ihe. Nuni Nagha Tgha Chue nelaoontye. ¹² Kooh oochu atu soohchiwoti atu atachutihikha.

¹³ Kahchu khis ehkyeghiyalon, kahchu ayizon ayuti tyechi yehti: yachidesha. ¹⁴ Kahchu keneti onketi matgha klinianila, yekyeootichigha, kahchu achutehalon udzih ooootigha. ¹⁵ Kahchu ayulhi gha natsutti, kahchu atsinde metselihi hayatuhi gha: ¹⁶ Kahchu Simon yindizi yakechioosun Peterlon; ¹⁷ Kahchu James Zebedee machue, kahchu John, James mekye; kahchu nindizi yakechioosun Boanerges, ayi nahthunni uskyege chatyeh: ¹⁸ Kahchu Andrew, kahchu Philip, kahchu Bartholomew, kahchu Matthew, kahchu Thomas, kahchu James Alphaeus machue, kahchu Thaddaeus, kahchu Simon ayi Canaanite, ¹⁹ Kahchu Judas Iscariot, mazi atahootalon: kahchu nito kwa kwighaghintyetl.

²⁰ Kahchu natlone natsughanestlalon, ehtye kwa hlilon atu otles atsitslon natlonke. ²¹ Koootoo meootinoo ootitsukoo, achughatestyetl kiyuhchutigha: aghatune kooghatyeh, Tinditaodesooissi.

²² Kahchu adesklesne yuhchighatestyetl Jerusalem otsi ghati, Ayehi Beelzebub, kahchu yaghatai metselihi iiti otsi hayateha. ²³ Kahchu koohchu yinkhawoti, kahchu too we yehti, tyecha otsi aghaghatai metselihi hatsatoohtel oontye ayi aghaghatai metselihi? ²⁴ Kahchu

hlahti tane natehti intsake yawoinklit ate, ayiti tike ii oowotoehassi.
²⁵ Kahchu ayi nito kwa yaooghinkliti ate, ayi nito kwa oowotoehassi.
²⁶ Kahchu aghaghatai metselihi ataniya ate, kahchu tezi yanile ate, atu oowotoehassi. ²⁷ Atuline kweyali iyua aoontye teze natsutti kwa, yenatunne yatatulelu, hatse tavyaghesklu teze natsutti; atezon ya kwa yaghonile iyu aoontye. ²⁸ Kwa hli anaghaisilon, Atghe metselihi kooya oochatoolelassi tane uskyege, kahchu soocha oochatihi: ²⁹ Ahwole ayi ketselioo atii Menejitti Oochu atu ihlaotateeo ayehi kha, ahwole seghaai ayehi nnoonizutti oonchatalihi: ³⁰ Ayighoo ayehti, Ayehi aghaghatai metselihi.

³¹ Kahchu mekye chu ma chu iiti tsighatestyel, kahchu tsehtsi nazutooh, kilati, kiyinkhaooti. ³² Kahchu tane natlone yaka tghanatihtsi, tooweh chu kiyehti, Nea, noo chu nehtghizinne chu tsehtsi naghatehya ninkhaghanata. ³³ Kahchu ateyatetla, toowehchu yehti, Mea anne eli, setghezinne koole? ³⁴ Kahchu khlonkanatgha ayi yaka khlonetyetsi, kahchu toowela yehti, Ahi anne chu sehtghezoon chu! ³⁵ Atunne zon kooh ghawoteassi ayi Nagha Tgha indi, ayi akye chu, ustye chu, unne chu.

4

Tghachyestla tinti.

¹ Kahchu tyigha tane ootatech tu chok tghamweh: kahchu natlone yinkhadesha, kahchu tachin ela ehkiya, kahchu tu chok tih ali; kahchu atghe tane natlone tike wohzon. ² Kahchu yachioteh ooli natlon yughotyeh, kahchu toowe ehti otsiootihi, ³ Oochu atahtsuk; Oochu hadesha otles alih tane anihyihi niyilihi gha: ⁴ Kahchu intyizon achunihyehti, tahkine yainkhyi tinkuzze, kahchu chua etye yaghatehtyetllon. ⁵ Kahchu tahke nooghinklit tsyethga, atu oonchadi tike ooliite; kahchu kwete ghanaghiyu, atu tike tatghoe: ⁶ Ahwole chelon sa niniya, maziche ninikhlitlon; aha oona maghaye toontooeyi, ayi ihe taihtsutii. ⁷ Kahchu tahke nooghinklit ghoos chine chok tgha, kahchu ghoos chine chok ghanaghiyu, kahchu klighatanityetUon, kahchu atuli machiche oolilon. ⁸ Kahchu achi nooghinklitlon tike oochu ti, kahchu machiche ooghiyelon ghanaghiyu yu kahchu tainyezho; kahchu yahlonihyu tahke taoketyi tahke chu edzetaiti ketyi, tahke chu keonet ketyi.

⁹ Koohchu yehti, Yaggi matsaghe ooli, inkai ooototsuke yehti.

¹⁰ Kootoo chlatyo ayi yehkatyelichi yaggi chu keneti onketi matgha tawotya yehti kawotzutne gha. ¹¹ Kalichu toewela ooli yehti, Naghunni aghaoochuneoh aoontye atawohtihiglia tyewotye hai koosti Nagha Tgha kyeyi: ahwole ayine tsehtsi natihne, atghe ooli keowaahch yehe achatih: ¹² Wai oochui, kahchu atu hlyenahotih gha; kahchu ooghatitsukoo ooghatootsukassi lon, kahchu atu klaghatootsukassilon; koohchu oolita ghooghanetyela, koometselihi kooya oone oochatulel akhe.

¹³ Kahchu toowela ooli yehti, Tiyeghakehe atawahtiha ooli kehe yaghaghatai kehe? koohchu yeghateh atawahtiha atghe otech?

¹⁴ Oonehyene oonehyoh sa. ¹⁵ Kahchu aghatane tinkuzze tatihne sa chunihyehti; ahwole kootoo ooghatitsukassi kooh ghaghatai metseli kwoto otsidesha, kahchu yazake yuhniyatoo yadzye ta otsi. ¹⁶ Kahchu aghatane chunihye ine tsye tgha; kootoo sa ooghatitsuk, kwete neooatiooh soochanetye; ¹⁷ Kahchu atu ghaj ighutaklilon aghatane hahte,

kwa tiootsi zon ghaghatalon, ootlwe koootoo sookhaootaya koootoo hlachatatane niwoya sa tachi kwete chahte intighatesah. ¹⁸ Kahchu aghatane ayi yachunihyene ghoos chok chine tgha; ayi sa ooghatitsuh, ¹⁹ Kooh tidi tike indi, kahchu mihe atsunnetaha yu mihe tatintlon yu, kahchu machachintye achu ooli kwenachaghila otcho ooli sa, kahchu atu machiche ooli. ²⁰ Kahchu ayi mehoochunihyeho tike oochute; ayi ootitsukne sa, kahchu niooatioone, kahchu machiche ooli, tahke taoketyi enetyi, tahke chu edzetaitiketyi, tahke chu keonetiketyi.

²¹ Kahchu toowela yehti, Nachila takooche nichualli ghotwetghulle yue take ustyil koole? koohchu atu nichiooite takoochechene? ²² Agha atuli nachunehi atu mewotuti; kahchu atuli tanetcha maghuchata iyu aoontye, ahwole attachuteassi. ²³ Koole matsaghe oolyetane inkai ooototsukassi.

²⁴ Kahchu toowela ooli yehti, Tyeke ayi ootahtsukki: ayi ihe tikeghaklyeli, ayieh nagha tsi tiketsalelassi: kahchu naghai ootaghahtsukki, ootehchi nahachuallassi. ²⁵ Yaghi ayehi, machuallassi: kahchu yaghi atu ayehi, mehwayachutallassi koole ayi ayehi.

²⁶ Kahchu toowela ooli yehti, Koohia ootye oontye Nagha Tgha kyeyi, hletye teze oochunehyehti oodihyitl keoontye; ²⁷ Kahchu satyi, kahchu niiya hatleke chu dzine chu, kahchu achunehyehti ghanaghihu, atu ataoti noontye sikooh. ²⁸ Ghoo yaghi tike atai hahte otsi ghanaghihu; hatse kloke eli, kahchu hachaghinaghiyu, kahchu otlweh ootles. ²⁹ Kahchu yaghi chiche ghanaghihuta, kwete atataz, khoo chotazze dzine eli.

³⁰ Towehchu yehtilon, Tyechi otsi gha Nagha Tgha kehchi niwowotal aoontye manatake? koole hletyi indi nighaothal aoontye? ³¹ Hleoontye oochuniliyehti ehlatyne yutanikluchi machiche, kwa nichalesta oonahyehe tike, eyi zon natsutli anetye oochu ihyehe tike tih: ³² Kwa aochelest, oochu nichulesta ayi zon otehchi yaincha anetye nichulichassi, kahchu matatse natlon; kahchu ayiti chua yayue sacha iyue tehtsi.

³³ Kahchu ayi etye akyehchi oochatihi ihe ehyatatilon, ghanawesittih oohasoohtsoo gha. ³⁴ Ahwole atu ya-i-ti-tyes ate atu yachiwotyehlon: kahchu sahta aghatinta, yaotatichne atghe yatatilon.

³⁵ Kahchu ayi dzinee, kahkachi aocha, toowehchu yehti, Onka nataghokye taityechi. ³⁶ Kahchu yite kitehalon tane natlon, nighatila aoontye sikooh. Kahchu kooyeh testyeflon tachin ela ihe. ³⁷ Kahchu intsi chok niya, kahchu tuyune nachalon tachin ela kooyeghe tiketlalon, kwa hlilon tadesmanooh. ³⁸ Ahwole atai haiseuhi, satyi tsiatakyeh: kahchu tsikiyaninha, toowehchu kiyehti Metihi, atu aghaititawoala tghataozitass?

³⁹ Kahchu niiya, kahchu intsi tsiwoti, toowehchu yehti tu chok, Tyeke tahtsi. Kahchu intsi atyehzut, kahchu ohtye tyesghutl.

⁴⁰ Kahchu toowela ooli yehti, Yehoogha onenatyel aoontye? yehoogha atu a kootahti aoontye? ⁴¹ Kahchu ohtye onighanintyel, kahchu toowela klaghatati, Ye teze alontye koole intsi ateate chu tu chok yuzehtso?

¹ KAHCHU nighatiooh taityechi chisinchi tu chok, kootike tsi Gadarene matike. ² Kwa kootoo tasaya ela ehkye otsi, kwete yatityyesha ehlatiye teze natine kwa otsi ayehi yaghatai atu mayis natsutooh, ³ Makwa ooli natine tgha; kahchu atuline yatahnatsut iyu aoontye ihe ayii ihe atu tah taghatsakluh iyu aoontye, atu satsoone klule aghoo ihe taghachakluhassi: ⁴ Tewotye oontlon tahtsughesklu mihe klule ihe kahchu satsoone klule ihe, kahchu satsoone klule yatayaghechil, kahchu makye chine klule oochu yatayaghechil: kahchu atuline oochu ayilih iyuntyeh. ⁵ Kahchu inkaa hatleketahwowyu dzinetahwowyu, ali khis tah, natine tgha woyu, otyesta, kahchu atakhai tatazo tsye ihe.

⁶ Ahwole tontye tsi ghotsi Jesus ya-i, otsitehtla yatsi nachustaklyeh, ⁷ Kahchu ohtye otyesta, kahchu toowela ooli yehti, Tyeka kehe na-kyeo-os-tyi-cha, Jesus, nuni otehchi ooli yatehchi Nagha Tgha chue neli? Natsinioonunisit Nagha Tgha tsi, atu nidisawositi. ⁸ Atai toowela yehtie, Sachighatiya teze zi tsi, nuni atu neysis natsutti aghaghintai.

⁹ Kahchu tawotya yehti nindizi tyeoolya yehtilon? Kahchu toowela yehti, Legion, oohzi: nitlon ihe. ¹⁰ Kahchu yatsinioonunisit atu achu tsutoohigha ayiti tike otsi.

¹¹ Kahchu ieti alii hwaza khis tah koohkoos natlon eghihta. ¹² Kahchu atghe aghaghatai metselihi yatsinioonunisit, toowehchu yehti, ghot-siaghatiha koohkoos natyehti, koohkoos zi toontyelkha. ¹³ Kahchu kwete Jesus ghatyeh yasehla. Kahchu naghaghatai atu mayis natsutti ghaghatestyetl, kahchu koohkoos zi tintyetyl: kahchu koohkoos ohtye kyehodihsut ichulti tu chok tghamweh, (oolitah onkye keonetki) kootoo chu etye tukooghiwolon.

¹⁴ Yaghaine koohkoos zaaliine taghatestyetl kooghohwati nito kwa atiyah kahchu ayiti tike. Kahchu otsighatestyetl ayi ye keochaahch aoontye. ¹⁵ Kahchu Jesus kiyunentyetl, kahchu kiya-i ayi tane atsinde metselihi ayehi, kahchu kootoo ayehii ligiona, sata, kahchu natunne tasata, kahchu tyeswe indi ahi: kooh onighanityetl. ¹⁶ Kahchu yaghine oohwa-i ine kitati oontye sikoo ayi tane atsinde metselihi ayehi, kahchu koohkoos ihe. ¹⁷ Kahchu tyikichi niooghaghananintyetl achutooyigha kootike otsi.

¹⁸ Kootoo tachin ela ehkyiya, yaghi ayehii tane atsinde metselihi yachinioonunisit yehtootyeli gha. ¹⁹ Atu ghate yasehla Jesus, ahwole toowela ooli yehti, Ootinta niootinoo khadiya, oochu kootinti ooli Ghakaoozutti nakeoahchi, kahchu noohchuya. ²⁰ Kahchu achutyyesha, kahchu khootaooyteh Decapolis yechatgheze Jesus oochu nanakeochaahch: koohchu aitye tane khaogħali.

²¹ Kootoo Jesus natyeski tachin ela ihe taityechi, natlone tane yachitestyetl: kahchu hwa tuchok alii. ²² Nea koohzon ehlaiti yinkhatyesha kakaoozutti tyetachatlihi kwa, Jairus ooyi; kootoo ya-ichi, nakye kuchi naitsut, ²³ Kahchu ohtye koonoo yachinioonunisit, toowehchu yehti, Setue tyele satyi koola tehtsutooh: nachinoonunisit, samakataaootihi, naghaootai għa; koohzon hanalaite ootesi. ²⁴ Kahchu Jesus yehkatich, kahchu natlone tane yakehtestyetl, kahchu kikyeoħħsuts.

²⁵ Kahchu ehlaiti tsege, yagħi keneti onketi matgħa yaskehe mat-alle natatyehizon, ²⁶ Kahchu natlone ooli yakeoħħchi natlon yutane, kahchu yaghatestla ayi oontyei, atuli akehe nagħiteyo oontye, atatihe tati, ²⁷ Kootoo Jesus otsi ootitsukoo nooja otsi keistla otsi yatsityesha

ootaneghutl ihe, kahchu yakestue katehtich. ²⁸ Atune toowela ehtie, Manatunne zon aghoo katyestich ate, oochu awostyeassi. ²⁹ Kahchu kwete otsi tul natatyehi sakoon; kahchu atyetastyiht mazi tsi nachagitta avi tathihi tsi.

³⁰ Kahchu Jesus kwete ataotihoo mehnatsutsutti mazi tsi hatsatooh, natunesha tanetiche, kahchu ehti, Mea ali senatunne katehtichlon?

³¹ Kahchu yaotatichne toowela yehti, Natlone tane ghii tanighatlu, kooh tinti, Mea sekahtihthich?

³² Kahchu klokanatgha yui gha ayi ooli keoachine. ³³ Kahchu tsege ooniya kahchu ghati ihe, ataootioo ooli maachahi matsun tsihi, yuhchi yachi yuenenitooh, kahchu yatati aitye hlonchati. ³⁴ Kahchu toowela ooli yehti, Ghutue aha koodinti nanaghinta-iih; taichi tyege inditiah, kechutintih natatihe ihe.

³⁵ Intyizon kwaka ootatyichoo, yachidesha ma kwa otsi yaghi yakaoozutti tyetachatlihi kwa tahkine atine, Netue tehtsut: Yehoo gha mehchintahcha otehchi Metihi?

³⁶ Kwete Jesus sa ootitsukoo, toowela yehti ayi kakaoozutti tane tyetachatlihi kwa, Atu ooniooya, aha koodinti zon.

³⁷ Kahchu atuline hateh gha sehla oolino yekehtooyi, Peter zon, kahchu James, John chu mekye James. ³⁸ Kahchu khooniyalon kakaoozutti kwa, kahchu wa-i oontlon tsi oochataahoo, yaghi chu attukki kahchu ohtye atsukki. ³⁹ Kootoo kwiya toowela ooli yehti, Yehoo gha oontlonchi ootahah aoontye, kahchu ahtsu-ko-oyu? ataze atu tehtsut, ahwole satyih.

⁴⁰ Hatyeh oontlonchi kiyuhaghataklu. Ahwole ehtyezon aitye hayateha, otsighadesha yatgha chu you chu ata, kahchu ayi yehkyatechii, koohchu kwinaghacha ata tyelasatyinti. ⁴¹ Yila inchutlon ata, kahchu toowela yehtilon, Talitha cumi; ayi chati, Ata, niiya, nesii. ⁴² Kahchu kwete ata niiya, kahchu ghayah; atai keneti onketi matgha mayaskehe. Ohtye o-ochi khaooghalilon aghawochule kehe. ⁴³ Ohtye atuline tataoonti; kahchu atya kehe oolita ooli machuhchut.

6

Tghachyestla edzetaiti.

¹ KAHCHU ieti otsi achudesha, kahchu yuhchidesha ghochati matike; yaotatichine chu yekehdesha. ² Kahchu Menejitti Dzine khoonioonizutooh tye tyetachatlihi kwa taneghaotatyech natlone kootitsakoo kha woall, ghatih Tyecha otsi niyatilon tyech? Kahchu ye o-ochi mehoochayu tidi machioo, koole yaghi oochu ekyeotatichi ayilai tila ihe? ³ Atu ayila tachin atali, Mary chue mekye James, Joses chu, Juda dm, Simon chu? kahchu mehtghezz chode mekyechatich? Kalichu atu oochu yatsiintighadesa.

⁴ Kahchu Jesus toowela yehti, Tane chi otine tune atu mooh oontue iyu aoontye mehe meachatachai, atunezon tatike hwa yule iyu aoontye, kahchu atai hahte menachine, kahchu atai hahte ghochatih makwa.

⁵ Kahchu ayiti atu kooye keoahchlon mehmawochuli kewotiche, tahkine ghatyeh katehtichlon yatinne, kahchu nayaghihtalon. ⁶ Kahchu kawillon atu aha yutieh. Ahwole atghe tane tanenatih akehe klodeshalon, taneghaotatyech.

⁷ Kahchu keneti onketi matgha tyechi yehti, eonetye tsi yeteha onkyetatafy; kahchu yehnatsutti yayila yatanatsutti naghaghatai metselihi;

⁸ Kahchu aychti atuli yatoolai kyatehchu, tghes zon; atu etsunzis, atu chu otles tyes ali, atu chu sooniya kooghele tasulla: ⁹ Hoontyegho kyethi ahoo zon tatyey; kahchu atu onketi kestue taooya. ¹⁰ Kahchu toowela yehti, oolitah nito kwa kwighaachatetah, ayiti ahli achutahaz ti otsi. ¹¹ Kahchu atu ninaghatile ati, naghatitsukki ata chu, aisai iiti otsi achutaach ate, naghakye waghat otles ihe kooyeh ooghahtichi. Kwa hli anaghaisii, Otehchi aghatane Sodom yu Gomorrha yu oochu awohtyesi ohtye tane tsiochatih dzine intyizon ayi tike.

¹² Kahchu achughatestyetl, kahchu tane taghatih ketselihi ooghachatutii gha, ¹³ Kahchu natlon metselihi ghaghateha, kahchu kles ihe yakiyehkluk yatitiine, kahchu nayaghinta;

¹⁴ Kahchu metihi tyiyi Herod otitsuk mewoyu; (atgheze tike okehe midizi khoochatiihe;) kahchu toowe ehti, John matukeghinkliti atai tustye otsi niiya, kahchu ayiwo mehe ohtye keoachatichi eotaty aowntye.

¹⁵ Achune ghati, Elias atai, kahchu achune ghati atane tai atahwotine, ehlatine eontye atane tai atahwotine.

¹⁶ Ootitsukchi Herod, toowe ehti, John ayi matsi hlihyitl ii: tsitike nesta tustyi otsi.

¹⁷ Atai Herod ghochati ochiyateha, John chu niyatinti, kahchu tane kwechayihti tayaghesklu Herodias ihe, mekye Philip tsiyue ihe: atai inkah hlakootsila. ¹⁸ Atai John ayehtii Herod, Atu wotezi nai awohi nekye tsiyue. ¹⁹ Ayeoo Herodias tike ochehtune yesoohail akhai; ahwole atu hawootli iyu maaoontye: ²⁰ Atai Herod John enejitieh, atayetioo tyeswe ghata, kahchu maghata oochu tane elieh teze, kahchu yama intityesha; kahchu yatisukchi oontlon kehe keoachlon, kahchu kyena-wolesilon ayitech otitsuk ate.

²¹ Kootoo sookah nitsutooh dzinee khonioonizutooh Herod niyi dzinee khonioonizutooh hatleke eghohtai gha oola tametihi gha, simakunnis metihi tyiyi chu, kahchu haladi kha kakaozuni Galilee; ²² Kooh kootoo Herodias matue kwiya tahtitla, kahchu yakeneli Herod chu, ayi yakasatai chu, metihi tyiyi toowe ehti ayi atyedi, Soodinkyet ooli sachinioonunisitassi, atuli necho matuhsesi.

²³ Kwete oochu ayehti, Atghaze ooli assyesi oochu gho soodinkyet ate, tghatichi ooli assi nasleasi.

²⁴ Kahchu hadesha totsi anna. Ye ooduskyet aowntye totsi ehtilon? Tsiyua so toowe ehti, John matukeghinkliti tsi.

²⁵ Iteteh kwete metihi tyiyi tsidesha, kahchu atakyet, kooh koosti atezon sahoallti tsa ihkye John matukeghinkliti tsi.

²⁶ Kahchu ohtye metihi tyiyi atu kenelilon; hoontye ooli oochu ati ihe, kahchu aghatane ihe kookasata, atu yaza ootihyul. ²⁷ Kwete chu metihi tyiyi otsideha teze, kahchu matsi naghahal yehtilon: kahchu otsidesha tane kwechayehti yetsi hlihyitl. ²⁸ Kahchu yetsi nanooo tsakyeh, kahchu atyedi ghioo: ooh ayi atyedi to ghioo. ²⁹ Kootoo yaotatichne oghatitsuk chi, yachihatestyetl kahchu yazeche nighatihtyi, kahchu natine kwati naghanihtyi.

³⁰ Kahchu wochichatehane aghanetye intataghati Jesus aliiiti otsihat-estyetl, atghazi kitatati ooli, keooaacchii, kahchu ooli tanegha ootatyechine. ³¹ Kahchu toowehchu yehti, Tyetahtyel naghai tyinta oolite yaghi kemwehchi, kahchu oontsutli natahyih: kootoo natlon yuhchigh-atestyetl kahchu yiteghatestyetl, atulita ahwosits kuzza ooli.

³² Kahchu naoonai ela tu chok ehkyeatachi ehkyeghaghityetl.

³³ Kahchu tane kooya-ih achughatestyetlooh, kahchu natlone atakooyehti, kahchu tane nathti otsi atghe otsi ooghatehsut nito kwa otyiyi aghoo anetye oogha-i, kahchu tane tse nighanintyel, aghanetye kiyunintyel. ³⁴ Kahchu Jesus hadesha natlone tane gha-ih, ohtye matsun tatihti kyehe indityesa, uspae etyieh uspae ghaghatane tane atu ayehi: kahchu tye yaghotatich natlon ooli.

³⁵ Kootoo ayi dzinelon kwakoole tonyeto kloeh ooli, yaotatichne ya-chitestyetl, toowe yehtilon eh, Kemwehchi oollon chodeh, kahchu kwa oonchadeh dzine kloeh ooli: ³⁶ Achuyadeha tike okehe otsighatatayel, kahchu nito kwa ootlonchi, kahchu ataheghatutlihi gha otles tyes: atuli ghatsitsi aghahi ihe.

³⁷ Ateyatetlalon hoole toowehchu yehti ihe, Naghanilon kiyiooh tai kooyanahli. Kahchu toowe kiyehi, Yaghe otsi tawotyeli ataghawothhi ila sooniya onkye keonetki ketyi sachunai ehtye otles tyesta, yaghine ghaoohchuti?

³⁸ Toowela ooli nayetilon, Taitya otles tyes ahiwo? oonkawahya. Kahchu ataghawatichi, toowela ghati, Hlahcheti, hluge chu onketi.

³⁹ Kooh yehtilon eonetye tsi tahtsi kloke tanepyeds tgha. ⁴⁰ Kahchu ghatye gheskyih inchake, keonetki ketyi tatehtsi inchinatataye, taghane chu hlahcheti ketyi inchinatataye tatehtsi. ⁴¹ Kahchu hlahcheti otles tyes niyatila hluge onketi chu, koohtike ookahtgha yatsi kahchu merci yehti, kahchu otles tyes yataghiyits, kahchu yaotatichne ghila yaniyulel gha; hluge onketi chu anetye tghaestich. ⁴² Aghanetye eghaghintalon, oochu tataghanastolon. ⁴³ Kahchu keneti onketi matgha kloke asklu ghaisis tadesmanoo mechaghintai ihe, hluge ihe chu. ⁴⁴ Kahchu yeghaghintai-ine otles tyes oolitah hlahcheti keonetki keonetki sihlon enetyi sihlon tezoo.

⁴⁵ Ieti tye kwete anetye ihe yutilon yaotatichne tachin elahkyeootyeli kha, kahchu taityechi otsighatuteligha haladih Bethsaida, achutehat-ton tane. ⁴⁶ Kahchu kootoo achuteha, atai chu yitaityesha khis tsi yaoootootyech.

⁴⁷ Kahkachi aoocha tsi, tachin ela tatiche tsi tu chok taghaliloo, atane nunkuchi sahti ali. ⁴⁸ Kahchu yai ohtye keotichoo atowazu; intsita oolieh: oolitah hatlindo aoocha soo tane wohniyalon, tu chok khai niyalon, kahchu yaooyeassilon. ⁴⁹ Kiyainchi tu khai niya, kooh kooghati tane atsinde ali lontye kiyutih, kahchu ohtye oonighanityetlon: ⁵⁰ Aghanetye kiyai, kahchu atu oochu indighatysesalon. Kwete inchi ooghatatyech, kahchu toowela yehti, Ohtye soonahtye: suni asli aointye; atu ooneghahtyel.

⁵¹ Kahchu inkhadesha elahkye atine; kahchu intsi adezut: kahchu ohtye khawogħali, kahchu o-ochi khawogħali. ⁵² Atu ayi indi għati ihe ayi o-ochi keoħħaachi keħchi otles tyes: aghatane koodzye natsuttieh.

⁵³ Kootoo nagħħateskyi tsi, koonaghħagħintyel tike Gennesaret, kahchu tħagħihiyetl. ⁵⁴ Tħagħihiyetl tsi ela ehkye tsi, kwete atakiyeti, ⁵⁵ Kahchu

kyeton ghatich aonetye ieti otusinkha, kahchu kyekyeyehtich ayi tyelisatyii tathi, ali iteh oohatitsukoo. ⁵⁶ Kahchu kwiyah assitih nito kwa chisinchi, nito kwa otyiyi koole, tike koole, nikiyityih ayi yatinne atghunni tiche koole, kahchu kichiniooghanunisit kikatutih gha ghatye makestue maihe aghoo kiyuhchuti gha; yuhchutassihne anetye yaghit-talon.

7

Tghachyestla taiuohi.

¹ KAHCHU anetye machichatyeshha Pharisene, tahkine adesklesne chu, ha Jerusalem tsi ghatilhne. ² Kootoo kiyainchi tahkine yaotatichne aghatsitsoo otlestyes atu ka tila tyeghintyekoo, ayi tsati, kila aghoo atu tyetsaghintyek, tahkine atu tyeswe kooghatilon. ³ Aghatane Pharisene, Jewne chu atghe, oontlon chi taghila tyenaghaticchoo zon aoontye, atu aghatsits athli, kooghatghoonoo yaoqtyi hatseto koola otehchi meetiootyeha. ⁴ Kahchu naghatichta ataghe tsi, atu natsun nootooothihul ate, atu awoontsitsassi. Kahchu ooli natlon ooli nikitilaine o-otghooni, tsa nootoochatuhul kahchu mihe tu tsato chu, tanihkluchi satsoone tataoochayhi takehchestai chu.

⁵ Kahchu Pharisene chu yatiklesne chu, Taotya kiyeheti, Yehoo gha mawotintichne atu nakayehchi indi gha tyes aoontye tane haladi otichne tane, ahwole otles tyes eghaghinta atu tahila tyeghaghintyekoo?

⁶ Ateyatetla, kahchu toowe yehti, Oochu naghai nasetyilon Esaias naghani oontlon nahtahoo, takehnichatinkles akehe, Ayi tane oochu assaghati taaza ihe, ooh koodzye tontye saooh.

⁷ Ghatye ahwole kooyaoottastech tanegha ooghatatyechoo tane mihe chioochatih.

⁸ Tyinta saoo Nagha Tgha otiche, ooahgħooon tane yaghita kehe, nootghochadehulli mehtutsato tsa chu: kahchu ooli natlon ayi etye keogħaach.

⁹ Kahchu toowe yehti, Oochu Nagha Tgha zake kyenaghali, magħahtai yu aoontye nagħha onti. ¹⁰ Atane Moses kooehtii, Oħtye natħha chu noo chu tao-oncha; kooħ hatyehlon ooline tatħha tsi to yu ketsliooh otih ate, chazuhelassi: ¹¹ Ahwole nagħai atahti aoontye hoontyeoo ooli tatħha koole to koole, Corban ayi, ayi tsati, kachiahi, yagħi ooli nakeoostich iyu aoontye; kao-ontsutti. ¹² Kahchu atu otehchi machi nioonunahsit ooli yaaootli tatħha koole to koole; ¹³ Nagħai hahte tsioone Nagħha Tgha zake awaħtla atuli kyewoti nagħha oonti ihe, kanaooi: kahchu ayi etye natlon ooli keoaħħch.

¹⁴ Kootoo chu aitye tane kawoti tsi, toowola yehti, Anaħtye soozahħtsoo nagħani kahchu ataħtsuk: ¹⁵ Atuli ayi tane matsun khitsi tatyezut ayi mazi ti achi chahtayuleassi: ahwole yetsi hayateħai ayi ali tane chahtetayħi. ¹⁶ Ooline matsakhe oolitane iiti ootootsukissi, inkai ootoot-suk.

¹⁷ Kootoo tane oochu tyesha nito kwa, kwenaghacha yaotatichne taoontya yeħtilon hleqontye akyehchi oochatih. ¹⁸ Kahchu toowe yehti, Kooka nagħħatsi toontoee aoontye? Atu kyenahtihela, aħtghażzai ooli tseħħtsi otsi kwetsutti tane, atu chahtetayħi. ¹⁹ Atu madzye tsi ihe akooħo, ahwole mapat tsi, kahchu hatsat oochu sookah nininkieħ- aitye etsun?

²⁰ Kahchu toowe ehti, ayi tane tsun tsi hadehtsutti, ayila tsahte ayihihchoonte tane. ²¹ Koodzye ta otsi tane, ine tsi tatyestek ootye indi metselihi, soochachai chu, nakhochityeli chu, tlahchazaghai chu, ²² Atsunne achuneih chu, machachintyi chu, inditselihi chu, oochachiti chu, naoona-i indyetselihi chu, atai metselihi chu, atacho chunehliti chu, achachatachais chu, tsaoochayaghi chu. ²³ Anetye ooli metselihi kwetsut tane tsun tsi, ahwole tane tsahte ayila.

²⁴ Ayiti otsi niiya, kahchu tghanatyesh Tyre yu Sidon yu, kahchu nito kwa ootanaghacha, kahchu koonoo atuline atawo-oti kootilon: ahwole atu nana-i iyu aoontyelon. ²⁵ Ehlaite tsege matue ooli ayehii atsinde metselihi, ootitsuklon, kahchu yuhchideshalon kahchu makye keh nadsutlon: ²⁶ Yaghi tsege Greek tane, Syrophenician ine tsi ihe otsi tazelh; kahchu yachinioonunisit hayatoochai gha atsinde metselihi matue zi ta otsi.

²⁷ Ahwole Jesus toowe yehti, Inkai hatse tsito tatanooto; atu oochu tsito taghaotlese kooyehwawachutalli, kooohchu kli tsi tsatulahi.

²⁸ Kahchu ateyatetla kahchu toowela yehti, Ehye, aghaghintaihi: hoontye ooli takyeh yechihtati yue natunahtyeli kli tghaoohtsi.

²⁹ Kahchu toowe yehti, Tidi sa ihe oodinta; atsinde metselihi natue tsun tsi hadesha.

³⁰ Kooh niya tsi takwa, yiptyi atsinde metselihi hadesha tsi, koohchu matue takyeh ustyi keh tyelasatyi.

³¹ Kooh kahchu yitaityesh Tyre yu Sidon yu otsi, otsidesha tu chok tsi Galilee, taghaniya Decapolis. ³² Kahchu kiyananioo hligi majih oontooehu, atu chu oochu ootatichoo; kahchu yachinioonunisit kooya katootihi gha.

³³ Kootoo otsi yatehti tane natlonti, kahchu yaji ta katihtich, kahchu ghizek, yetsoode chu katehtich; ³⁴ Kahchu yatsi ookahta, otyesta, kahchu toowe yehti, Ephphatha, ayi, Tahaaotsitti. ³⁵ Itetyeh kwete maji ta hatachil, kahchu matsoode klule tihatuk, kahchu oochu otatich acha.

³⁶ Oochu atuline ataawoti yehtilon: ahwole otaihchi atuline satsih ataawotihi, otaihchi ohtye koohooyeh; ³⁷ Kahchu o-ochi kao-oli toowe yehtie, Atghaze ooli tsiwohzon keoahchlon: oochu majioontoowene anayitla oochu ootootsuki gha, kahchu saintakline oochu ootootyechi gha.

8

Tghachyestla edzentyenti.

¹ AYI dzine tane o-ochi natlone, kahchu atuli aghahi kiyutsitsi, Jesus yaotatichne tyechi yehti, kahchu toowe yehti, ² Satyaghisunni tane natlone, kooh kwa taiti dzinee sihghahtyih, atuli chu aghahi ghatsitsi ooli. ³ Achu kootyehaitie tagha kwa tsi yaghatipatooh, woianh oohatoot-sitassi, natlone tontye tsi tsighatelyu.

⁴ Kahchu yaotatichne atetyataih, Tyechi otsi gha tayanooto tine tane otlestyes ihe chode kemweh?

⁵ Kahchu Taitya otles tyes ahi yehtilon? kahchu toowe ghati, Taiuchi.

⁶ Tane tsi tsiwohzon tahtsi tike wozon: ayi ninayatila taiuchi otles tyes, kahchu merci ehti, kahchu yataghiyits, kahchu yaotatichne ghila oochu yaniyuleli; kwa kiyaniyila ine tane gha. ⁷ Kahchu akiyehii tahke hluge yaintsutle: kahchu merci ehtilon, kooh ehtii

ine gha nichuleli. ⁸ Kahchu eghaghintalon oochu tataghanastolon: kahchu nachatanatyetl neghatila mechachelih, taiuchi kloke ghaisis tghatatyesmanooh. ⁹ Kahchu ine eghaghinta, oolita tiko keonet i keonet ketyi enetyi silon: kahchu achudehalon. ¹⁰ Kwete ela kyiya yaotatichne chu, kahchu yuhchidesha chisinchi Dalmanutha.

¹¹ Kahchu Phariseene yuhchihatestyeta, kwete kichi sooghatayehch, kiyinkhanata yakachi otsi ehtoole taoontya kiyeheti. ¹² Kahchu ohtye hoontatachehlon matsinde otsi, toowe ehtie, Yehoo gha ine chi hlolioate kiyinkhanata ehtoole, kwa hli anaghaisii, atuli ehtoole naghachualassi tine maghestyekne. ¹³ Kahchu yechudesha, kwete elahkyiya taityeche otsi kahchu yitaityesha.

¹⁴ Mawotintichne iine kiyutoonaghatihlon otlestyes kitoolai, kahchu atuli aghahii elahkye ehlaitei zon otehchi otles tyes aghahilon. ¹⁵ Kahchu yechiwoteh. Tyekh khaghahta mehotles chihutli Phariseene, kahchu mehotles chihutli Herod natunne.

¹⁶ Kahchu inchioohwatatyech, kooch atuli otles tyes assii ihe.

¹⁷ Jesus atawotihchi, toowe ehti, Yehoo gha inchiootahtyech aoon-tye atu otles tyes ahi? atu ka atawahtihala, atahtsuk koole? kooka naghadzye natatsutooh sahoohwaoontye? ¹⁸ Naghatai chu ooli, atu ookanahtghaala? naghaji chu ooli, atu atahtsukila? atu chu kyeje-tahtila? ¹⁹ Kooya tseghila tsi hlahcheti otles tyes hlahcho ootatyekne keonet i keonet ketyi enetyi, tanetyi kloke ghaisis tadesmanooh nachatanatyetl nita la? Toowe yehti, Keneti onketi matgha.

²⁰ Kahchu taiuchi aline kootghasitich tikooh keonet i keonet ketyi enetyi, tanetyi kloke ghaisis tadesmanooh nitalala nachatanatyetli? Toowe yehti, Taiuchi.

²¹ Toowehchu yehti, Yehoo gha atu atahtsak aoon-tye?

²² Kahchu yuhchityesha Bethsaida tsi; kahchu kiyananihtyi teze mataituehi, kahchu kichiniooghanunisit yakatutih. ²³ Kwa yila inchut ayi teze mataituehi, kahchu nito kwa tsi achuyetehti; kahchu yatai keghizek tsi, kahchu yakahtehthiccho, taoontya yehti ooli ghiila.

²⁴ Kwa yachi tayahatii, kahchu ehti, Tane ghussi tachin etotyeni.

²⁵ Kahchu yatai katehtich, kahchu yitige ookanahta yehti: kootoo oochu oontyei, kahchu aitye tane oochu ya-iine. ²⁶ Kahchu yakwa tsi yeteha, toowe yehti ihe, Atu otsitaooya nito kwa, atuline chu tataoonti nito kwa.

²⁷ Jesus hadesha, yaotatichne chu nito kwa tsi Caesarea Philippi; otsighatelu, Taootya yaotatichne tsi ehtilon kooch yehtiihe, Mea ali saghatya tane?

²⁸ Kahchu toowela ghati, John tanetukeghinkliti tane ali: ahwole tahkine Elias ghati; kahchu achune atanetaihchi atawotine tane.

²⁹ Kahchu toowe yehti, Ahwole mea ne ahlaontye? Kahchu Peter ateyatetla kahchu toowela yehti, Nuni ayi Christ.

³⁰ Kwa yatati atuli tsi hohohoontye atuneoo.

³¹ Kahchu tyi yaotatich, teze chue atghazi ooli kawotoohunne, kahchu yenaooli hoola ale, taneghaotatichi metih chok yu, adesklesne chu, kahchu tsazughelyu, taiti dzinee kaohtzut ate kahchu tsitike naootezi.

³² Kahchu ehtii ayi zake tanenichi. Kahchu Peter nayanaun, kahchu tyi chuhoootatyech.

³³ Ahwole natanyesha tsi yaotatichne chu kanehtgha, Peter chuatatichlon, toowe ehti ihe, Satuchi otsidiya nuni atsinde metselihi: atu indi natih Nagha Tgha tsi tatyesuttih, yaghi zon ooli tane tsi tatyesuttih.

³⁴ Kootoo tane tsi tyechi ehti yaotatichne chu toowe yehti, Ooline sakehtayeh ati, inkai oochit atu tuti ninayatooalli matsookhatayaghi, kahchu nakehtuyesi. ³⁵ Ayih sye nayaghoohtalon kyejhata kehe, tghay-atualassi; ayi tayadesooatai kyejhata kehe suni tsi kahchu otich oochu chu, ayi nayahoohtesi. ³⁶ Yechiha yatsi ewoyuesiha tane, tike okehe ootanatsut ateoo, tatsinde tghayaghattyeshai ate? ³⁷ Ooli sitah tyesooite taghatai tah? ³⁸ Ooline siooyale tane zake chu chode soochaghachatai chu kyidjetseli chu tanegha; ayilon atane tane chue yaooyaooli, kootoo yuhchininiye ate kochi soochunetyi Matgha keotichne oochune chu.

9

Tghachyestla kalaketi.

¹ KAHCHU toowe yehti, Kwa hli anaghaisii tahnkine chode natehyane atu koozetsse nio-olyezi, naooghatyitsi ooli ate Nagha Tgha kyeyi khoonao-oxit ate mehnatsutsuttiyu.

² Edzetaiti dzine kloe Jesus Peter chu, James chu, John chu hlyekeghat-echlon, kwa hlilon otsighatyeshi khis tsi ohtye nataghisatti sahte ooghatyi: kahchu yakaitghaityeh achu meotati. ³ Kahchu makestue mesaniti takulli kye yas etye; atuline chode tike hahtye takulli awolene ooli. ⁴ Kahchu klohmaaghityetl Elias chu Moses chu: kahchu inchiooghatatyech Jesus chu.

⁵ Kahchu Peter otyesta, toowehchu yehti Jesus tsi, Metihi, chode itli gha oochu: inkai taodat�edi kwa aootlihi; ehlaiti nuni gha, ehlaiti Moses gha, ehlaiti Elias gha. ⁶ Atu ti kehe atu ataotih ihe; ohtye oonighanintyel ihe.

⁷ Koos inchi ghililon: kahchu sa ooghatitsuklon yatsi, toowe otieh, Tai la se Chue menusli: Soozehtso.

⁸ Intyizon, aoonetye ookaghanehtha, atuline otehchi kiya-i, Jesus zon kooyehkatech.

⁹ Khis chi chyesta ghatestyetlyu, yanaootatich atuline tataeonti ooli ohwehtyi, teze Chue niiya ate zon mazetse otsi. ¹⁰ Ayi zake kaghaghatalon, ayi yea tane zetse achatya oontye toon ghlaghatati.

¹¹ Kahchu yehoo gha kiyehi, atesklesne yehoo gha koohatya oontya Elias hatse naoojezi?

¹² Kahchu ateyatetlalon, yatatio yu, Kwa hli Elias hatse niya, atghe chu ooli sookah nioonila; kahchu takehnichatinkles akehe teze Chue ihe, natlon ooli kaootoohanu, kahchu menachule. ¹³ Ahwole suni anaghaisii aointye, Elias kwa hli nooja, akooghati sikooch kooyekechatihch, takehnichatinkles akehe atanewoh.

¹⁴ Kahchu yaotatichne wohniya tsi, tane natlone yehkyatich chu yailon, adesklesne chu, taoontya tookooyetilon. ¹⁵ Kwete atghe kiya-ichi, atghe kaooghalilon, kahchu kichiodehsut yilaghinchutlon.

¹⁶ Kahchu adesklesne tsi, Taoontya nayeti?

¹⁷ Ehlaiti chu tane natlodi otsi ateyatetla toowechu yehti, Metihi nananihtyi sachue ayehi atsinde saititakli; ¹⁸ Kahchu oolita yihchut assiti koohoontye yayaghinchil: maza tsi oohwoos ooli chu, maghoo natazutsun chu, toontiyiazighai chu: kahchu taoontya kooyesi mawot-intichne ghakitoohai gha; kwa hli kooyandatla.

19 Ateyatetlalon ahwole toowe ehti ihe, Naghai naghaje toontooe assine, taisa tsi otsi naghai aostya aoontye, taisa tsi otsia naghatagha ooslyo aoontye? Sananaha.

20 Kahchu kiyananiooh: ya-inchi kwete atsinde kooghoontye yayaghinchil; kahchu tike nadsut, kahchu yatatatyech maza tsi wohoos hailyi.

21 Taoontya yatgha tsi ehti taisa toh otsi kooh hoontyontya? Toowe yehti tsito ali toh otsi kooh hoontyontya. 22 Oontlon chu tsichataintyi teneylehtyech ahoo yu, chahteayuliassi: ahwole oolita aotunatlihon ate, ahoohchunaya, kahchu ahachinootyeh.

23 Jesus toowe yehti, Aha koodinti ate, atghazi ooli nakeotoonezi ayi aha kooti.

24 Kahchu kwete ayi tsito tatgha tsi otyesta, toowehchu ehti manatu ooli, Naghaghintai, kwa hwe a koosti; oochinootyeh atu a koodestih.

25 Jesus wa-ichi tane yuhchiinhlaghatelyu, atsinde metselihi tsighotye, toowe yehtie, Nuni naza oontooehi najih oontooe ahoo yu atsinde nali, ohtye anesii, yuhchihadiya matsun tsi, atu chu mazi kahchu taooya.

26 Kahchu atsinde otyesta, kwete chu yayaghinchil, kahchu yatsun tsi ghotypesha: kahchu tane zetse etyelon; ayiwola natlone, Tehtsut ghatya aoontye. 27 Ahwole Jesus yila inchut, kahchu tavyatihtyih; kahchu tsitike nest.

28 Kootoo kooyachi nito kwa, yaotatichne sahti wahtila yehtilon, Yehoo gha naghai atu nanitun oontye?

29 Kahchu toowe yehti, Haoontyedi atu ghatyeh ooli ihe ghachatayach, neaghlasuchuli zon atu atsutsits ihe chu.

30 Ieti otsi achughatestyetl, Galilee chu kyechoghatestyetl; koohchu kootilon atuline atawo-otihu. 31 Atai yaotatich ihe yaotatichne, toowehchu yehti, Teze Chue tsataghinsut tane tgha, kahchu kizoohelassi; kahchu tsazehai ate, kahchu tsitike nawataizi taiti dzinee. 32 Ahwole atu ooghatitsukoo ayi zake, kahchu taoontya kiyutekhooianhkyeghanejet.

33 Kahchu yuhchidesha Capernaum: nito kwa oota ati otye taoontya yehtilon, Yea khama ootahtyechii atghunni otichi? 34 Agħoo atu yachutyeħlon: aghatai hahte atghunni otichi hoonchati inchi soogħatatyechlon, mea oteħchi chatinchai kha.

35 Kachu nest, keneti onketi matħha tyechi yehti, kahchu toowe yehti, Ooline haladi tooshai ate, ayi zon hli haistlachi ayuhezi, kahchu tane għa aonnetye għa keo-oteħħass.

36 Kahchu tsito niyatityi, kahchu tane kuzze nayenihti: kahchu yakoone yinchut tsi toowe yehti, 37 Mea so niyatuhiteloo ehlaiti ayi etye tsito sindizi keħchi, suni nisatinti: mea so niyatuhiteloo, atu suni nisatinti, ahwole ayi yuhchisat�ehai.

38 Kahchu John ateyatetlalon, toowe ehtie, Meti, ghityii ehlaiti atsinde metselihi hayateha nindizi ihe, atu chu nagħaketayeh: kahchu nanitun, atu nagħaketayeh ihe.

39 Jesus toowe ehti koole, Atu nanaghħahun, atuline keoosahħa akehe keo-oahħħassi sindizi ihe, kwete ketseli hakehe sachuħoħoteissi.

40 Kahchu ayi atu chahte anahilai nagħachinati. 41 Mea so chu nagħaoħħalu ehlaiti tsa taismanni tu woton tsindizi ihe, Christ ezon man-attunne aghħli, kwa hli anaghaisii, atu tayatooalassī machitikeħħalihi.

42 Kahchu ooline chahteayile assine ehlaiti tidi natsutli aha soot, oteħħi ootaizi atunewoh mehnachahtune kazze tsye ma koos echagħesklu ate, tyechunnityeh ate tu chok ticha tsi. 43 Kahchu nila chahtonty ate,

hlyenihul: otaihchi oochu nuni gha kweghoya tsaghatati achaghilihi ihe, nila onketi aghoo kochi otsitiya iyu aoontye khoon metselihi tsi, khoon atu nanatsaisti: ⁴⁴ Nootya atu taikyehti, khoon chu atu nanatsaisti. ⁴⁵ Kahchu nakye chahtontye ate, hlyenihul: otaihchi oochu nuni gha kweghoya tsaghatati achaghilihi ihe, nakye onketi aghoo ghotsinachatu-tyeissi khoon metselihi tsi, khoon atu nanatsaisti: ⁴⁶ Noota atu taikyehti, khoon chu atu nanatsaisti. ⁴⁷ Kahchu natai nihe atu oochu ookaitghai ate, hanehchul: otaihchi nawotaizi Nagha Tgha tike tsi oowooeissi natai ehlaiti ate, natai onketi aghoo ate otsinachatuhyellassi khoon metselihi tsi: ⁴⁸ Nootya atu taikyehti, khoon chu atu nanatsaisti.

⁴⁹ Aitye tane sootakun natghachulelassi khoon ihe, tsichatullihi assi chu sootakun ihe matghaaachulehesi.

⁵⁰ Sootakun oochu: ahwole sootakun natuetah sootakun matghachilihi, tyeha kyehea sootakun matgha awahhliha? Sootakun kyatihch, kahchu oochu eotine klahtyi.

10

Tghaohyertia keneti.

¹ KAHCHU iiti otsi niya, kahchu yuhchiklodesha Judea ti otaihchi Jordan natyechi: kahchu tane yinkhatyesha; kahchu tane ootanaun akehe kooh otye keeoach ahli taneghaotatyechoo.

² Kahchu Phariseene yechitestylet kahchu taoontya yehti, Oochu la teze tatsiyue yechanaolohu aotezi? kikaotyehunooh.

³ Kahchu ateyatetlalon toowehchu yehtilon Tyeha kehe anaghehtya Moses?

⁴ Kahchu toowe ghati, Moses hatyeh kha syeklah takehnichatinklessi o-ochatihtyehi adusklesse, kahchu oonchatoohtyellu.

⁵ Kahchu Jesus ateyatetlakahchu toowe yehti, Naghadzye natsut akehe ayi ihe naghatsi achateskleslon tidi sa. ⁶ Ahwole hatseto otsi tike ooli toh Nagha Tgha teze oola tsege chu. ⁷ Ayi otsi teze tatgha echeli to chu kahchu tatsiyue kah awoti; ⁸ Kahchu kooh chu onkeghatatyeh kootsun ehlatootyesi: atu otaihchi onkyeghatutyesi ahwole kootsun ehlatootyesi. ⁹ Oo ayi Nagha Tgha tsayaghehtchii, atuline inchake niyulel.

¹⁰ Kahchu nito kwa oota yaotatichne taoontya yehti kwaka inhligi tsi. ¹¹ Kahchu toowe yehti, Ooline assine tatsiyue odehtyeytine achune chu makahtueh akoochaile ate, soocha keoach. ¹² Tsege chu tatsiyue odehtye, kahchu makahtueh achilai ate, soocha keoach.

¹³ Kahchu kiyananihtyi tsito yechihai, yekatootihi; yaotatichne yachuoootatyeh ayi naghanihtyisi ihe. ¹⁴ Ahwole Jesus wa-ichi, ohtye atu minihtike ooghilelon, kahchu toowe yehti, Ghateh kooyasahlah tsito yechihai sachaghatutyeli, kahchu atu nanahahun: ayi ihe nao-oaizi Nagha Tgha kyeyih tsi. ¹⁵ Kwa hli anaghaisii. Ooline atu niyatooti Nagha Tgha kyeyih yechinekehchi atu Nagha Tgha kahchi koowoyezi. ¹⁶ Kahchu yakoone ihe niyatintyih, kahchu yakatihtich, kahchu oochu yachi indityesa.

¹⁷ Kahchu yitai tyesha atghunni kehchi, ehlaityi yuhchidesha ghatlelhu, kahchu yachinachustatalih, kahchu taoontya yehti toowe, Oochu Tanechiotyih, tawoshlaitea ahnaz wostazonha?

¹⁸ Kahchu Jesus toowe yehti, Yehoo gha oochu indityesa sindilon ha? atuline oochu oontye ehlaiti zon, ayi Tikeaootli. ¹⁹ Sa tsiwohzon

atanati, Atu soocha aoonta, Atu chu tane zaoohel, Atu chu anaooih, Atu chu ketseliho tsiwotahoonitich neotinoo, Atu chu tane nawoah, Ohtye taghooncha natgna chu noo chu.

²⁰ Kahchu ateyatetlalon toowehchu yehti, Taneghaotatich, atghe tidi kama indityeaiih yeshihto otsi.

²¹ Kahchu Jesus yakaiftgha, yuntyeh, kahchu toowe yehti, Ehlaite ooli nainchi tehtsut: ootinta, anehisi anetye mataghaneli, tyetaisanaine chu ghatanale, kooh ohtye natataotlosi ya tehchi: kahchu yuhchidiya, kahchu ninaoottiah ayi sookatiya-i, kahchu sakehtiya.

²² Kahchu atu oochu indityesalon ayi sa tachi, kahchu yitaityeshalon atu keneli ihe: atane ohtye ooli natlon ayehilon.

²³ Kahchu Jesus klokanatgha, toowehchu yehti yaotatichne, Tewotye atatlate ayine matatintlone kwewootyelassi Nagha Tgha nataghe tsi!

²⁴ Kahchu yaotatichne yazake kaooghulli. Ahwole Jesus ateyatetla kahchu toowehchu yehti, Tsitohkaine, tahtye indatlaoh ayi kiyasooli mehmehetatintlon kwewootyeluu Nagha Tgha mataghe tsi! ²⁵ Ayi kyeotunni ghatai kwewotyizoo apetsiche kaookoodi, o-ochi matatintlon ehlaite teze kwewoya Nagha Tgha nataghe tsi.

²⁶ Kahchu o-ochi ghaooghali, toowe hlaghatati ihe, Mea mechua aghatoota?

²⁷ Kahchu Jesus yakaiftgha toowe yehti, Tane la atu kookechi nioontsit, Nagha Tgha la atu kooh hoontye: aha atane Nagha Tgha atghezi ooli mahechi nioontsut.

²⁸ Kahchu Peter toowe tyi ehti, Nea anetye kyecho tasityetl, kahchu naghakteatasityetliih.

²⁹ Kahchu Jesus ateyatetla toowehchu yehti, Kwa hli anaghaisii, atu line ooli kyeghachelihine nito kwa, mekye koole, mehtghizze koole, matgha koole, ma koole, matsiyue koole, maskyege koole, matsatle koole, suni ihe, kahchu otich oochu ihe, ³⁰ Ahwole otsinitooalassi keonetyi ketyi otehche enetyi too, nito kwane, mekye chu, mehtghizze chu, matgha chu, ma chu, maskyege chu, makyeyih chu, kahchu tsookatayaghi chu; kahchu achu tike tsi ghonioonizut ate kwilhzon ehchaghatai. ³¹ Ahwole natlone haladi atine haistlachi awotyeissi; kahchu haistlachi atine haladi awotyeissi.

³² Kahchu atghunni aghatii Jerusalem otsi ghatestyetlu; kahchu Jesus yaghatesha: kahchu kawoghuli; kahchu kiyahsellu oonighanityetlon.

Kahchu niyatila keneti onketi matgha kahchu yatatati yesoo yuhniyi ihe,

³³ Toowe ehti ihe, Nea Jerusalem otsitatyetl; kahchu tane Chue niyatoohtyelassi taneghaotatich tyiyine, adesklesne chu; inkai mazetse ooli kiyehtlon, kahchu kiyaniyutyelessi achunene; ³⁴ Kahchu kiyachaochesi, kahchu kikatootoozassi, kahchu kikyehoozekassi, kahchu kizoohelassi: taiti dzinee awooche ate tsitike nawootyeissi.

³⁵ Kahchu James chu John chu, Zebidee chue, yachidesha toowe yehtie, Taneghaotatyechi, kooh koosti aghaaawoti akootiti sikooch.

³⁶ Kahchu toowe yehti, Yea sachi nioonunassit naghachanasti?

³⁷ Kahchu toowe kiyeheti, Aghaniah sookah ookyetih, ehlaite mehoonati, hligi oosklaghazihtye, nachatinchai kehe.

³⁸ Ahwole Jesus toowe yehtii, Atu atawahti ooli ootahkyeti: atu mihe tuwahto la ayi tsa mehtughastoi? kahchu tunaghakechuhkliti ayi mehtanekhaitsikliti ayi ihe nehsakaichihkliti?

³⁹ Toowe kiyehti, Atu ahandaatla. Kahchu Jesus toowe yehti, Kwa hli tuwahtoissi tsaeh ieti otsi tughastode; kahchu ayi mehtukhaitsihkliti mihe tusakechihklitii ihe ayi ihe mihe naghakyechuhklitassi: ⁴⁰ Ahwole wostyi chisinchi chu tayaghetichu oosklaghazintye atu si senatunne eli kaaooli; ahwole kooyachulelassi ayine kooya so-ochesunne,

⁴¹ Kahchu kenetyine aghatitsuk chi ohtye atu yatsi kyehanelilon James chu John chu. ⁴² Ahwole Jesus tyechi yehtilon toowehchu yehti, Atawahti ayi kechanehtya kehe kikaoottutti ayi achune kooyakeolech; kahchu kootaityiye kooyaghatah. ⁴³ Ahwole naghai atu kooh akehe naghaatyessi: Ahwole ayi koonoochu sachatoohcha kooti, naghani ayi nagha keo-otichassi: ⁴⁴ Kahchu ooline assine naghani ihe haladi mi-indichatoesi o-ochi chatoohchai gha, tane glia keo-otichassi achanetye gha. ⁴⁵ Ayi aghoo teze Chue atu makeochatichi ihe yuhchideya, ahwole tane gha keo-otichassi, kahchu khaoallu yeghataisi natlone yatachi ootane.

⁴⁶ Kahchu nighanintyetyl Jericho: kahchu Jericho otsi hatayaoooh yaotatichne chu tane natlone chu, mataituehi Bartimaeus, chue Timaeus, tinkuzze satah tyechihi ihe. ⁴⁷ Atitsuk chi ayi Jesus Nazareth chihtatyezutti, ohtye tyi otyesta, kahchu toowe yehti, Jesus nai chue David, soonchoonaya.

⁴⁸ Kahchu natlone yatati atu awotihhi gha: hoontye ooli otaihchi ohtye otyesta, David chue, soonchoonaya.

⁴⁹ Kahchu Jesus hlininiya, kahchu kwehakehe ehti. Kahchu tyechi kiyehti ayi teze mataituehi, toowe kiyehti ihe, Kyeneneli, niiya; tyechi nehti. ⁵⁰ Kahchu ooyadehchus yiatehtakadi, niiya, kahchu Jesus tsidyesha.

⁵¹ Kahchu Jesus otyesta toowehchu yehti, Ye sachinioonunisita anusleha? Ayi mataituehi teze toowe ehti, Aghaghintai, setai saanaaoontlihi.

⁵² Jesus toowe yehti, Taihchi ootinta; na-ihe naghinta. Iitetyeh matai naoottli, kahchu Jesus kyehtesha atghunni.

11

Tghachyestla keneti ehlaiti matgha.

¹ Kahchu hwa aghattyi Jerusalem, Bethphage chu Bethany chu chisinchi, khis kuchi Olives aghattyi, yitaityeha onketyene yaotatichne, ² Kahchu toowe ehti, Taihchi otsitahtyel yito kwa oontlo chi naghanataihchi: kahchu kweghaachatyeh soosooklya aghahtyelassi taghaklu, atu makai achatyi; tawhahut, kahchu yuhchinaghahtyel: ³ Kahchu ooline toowe naghai tyete, Yehoo gha koohgahtya oontye? kooh taghahti, Metihi tiye hehti; kwete cho otsi nayaduesi.

⁴ Kahchu yitaighatestyetyl, kahchu soosooklya kiyintyi taghaklu tuskla-hooka atghunni yaghintyidi; kahchu tahkiyainghut. ⁵ Kahchu tahkiae iiti naihyani toowe kiyehti, Yehoo gha kooh hahtya oontye taghauitti soosooklya? ⁶ Kooh kiyehti koohotye ayi Jesus akooyehtii: kwa kootay-inchut. ⁷ Kahchu soosooklya Jesus gha naghuniptyi, kahchu kiyeate-tahkatti keghihla; kahchu yakaisata. ⁸ Kahchu natlone kiyeatetahkatti atghunni tsiyaghestla: kahchu achune naghaghihul tatsi tachin tsi, kahchu ghatyeh atghunni ghatunihla. ⁹ Kahchu ayine haladi atine, kahchu ayine tankeghatailhne, oghatyesta, toowe ghatieh, Hosanna; Moohchuootaya ayi yuhchideshai yindizi ihe Naghaghatai:

¹⁰ Koonoochu moohchuootaya manataghe nagha tgha David, yuhchideshai tindizi ihe Naghaghatai: Hosanna ayi zon o-ochi yataihchi miindiotehah.

¹¹ Kahchu Jesus kwiya Jerusalem, o-ochi tyetachatlihi kwa chu: kahchu kootoo anetye ooli ookaghanehtghachi, kahcu kahkachi aoocha koohnioonizutooh, hadesha Bethany tsi keneti onketi matgha chu.

¹² Kahchu naodike tsi, ooatastyetyl Bethany tsi tapat: ¹³ Kahchu chiche chok chine toontyetsi ya-i maton ooli, yuhchidesha intyizon ooli ion ate: yuhniya tsi aton zon yilah; atu ka chiche nichatilesti kho nioonizut ihe.

¹⁴ Kahchu Jesus otyesta toowehchu yehti, Atulire otsitsassi chiche nai ihe too otsi nioonizutti otsi. Kahchu yaotatichne oohatitsalon.

¹⁵ Kahchu nighanintyetyl Jerusalem otsi: kahchu Jesus kwiya tyetachatlihi kwa otyiyi, kahchu hayadesla ayine ataghola kahchu ataghatotane tyetachatlihi kwa otyiyi wota, kahchu yechonayadehkliit yakeeh tai ayine sooniya klaghayihne, kahchu yestahi chu ayine oyetli tagholane; ¹⁶ Kahchu atu hatyeh yasehlai iyu maaointye ooline yatooai oolita tatawochulihi tyetachatlihi kwa otyiyi oota. ¹⁷ Kahchu yaotatich, toowe yehti ihe, Koo atu kooh akehe nichatinklessi la, Sa kwa anetye tane tyetachatlihi kwa wowohyih? Ahwhole kooh awahtla anoosine take.

¹⁸ Kooh adesklesne chu taneghaotatichne tyiyine metihi chu oohatitsuk, kahchu oonkhaghanatgha tyeha kehe chahteaikiyule gha: yeghanejit ihe, aitye tane khaooghulli ihe yachihoothehe.

¹⁹ Kootoo kahkachi ooli tsi, hadesha nitokwa wotyih tsi.

²⁰ Kahchu hatlindo aoocha, taihchi ghataihlu chiche chine maghaye otsi ya-ikoonoo kiya-ih. ²¹ Ayi Peter kyejetitihu toowe yehti, Taneghaotatyechi, makintgha ayi chiche chine atu tyeswe adintii kwa sakoon.

²² Kahchu Jesus otyesta, toowehchu yehti, Nagha Tgha aha oodinti.

²³ Atai kwa hli anaghaisi, ooline ti khis atyetane, Achu ninintsit kahchu otsinachatoohtyeli tu chok tsi; kahchu atu tawahkootye ate tadzye ihe, ahwhole ihe kootilon ate ayi ooli ehtii sakyehchi niwotsitti; awohiisi atghazi ooli tyekootesi. ²⁴ Ayi ihe anaghaisii, Ooli si nioonunis-tassi, aghaswehlye ate, ihe kootahti nitaghahali, koohzon naghahaisi. ²⁵ Kahchu natahya otye aghaswehli intyizon ooline oolakehe chahte meititaai ate: Nagha Tgha naghai chu ya tehchi ati naghaoochatoohullassi nagha metselihi. ²⁶ Ahwhole atu ootalai ate, atu naghani chu Nagha Tgha yatehchi ati naghaoodohullassi nagha metselihi.

²⁷ Kahchu yuhchighatestyetyl Jerusalem tsi: intyizon ghayahlu tyetachatlihi kwa otyiyi oota, yinkhadesha taneghaotatich metihi tyiyi, kahchu adesklesne, kahchu haladi meindi chatehaneh, ²⁸ Kahchu toowe yehti, Ye makaoonatsut ayiwoh keoonaahch aoontye? kahchu mea nayiwa tidi kakaooodzutti keoonaahchi tidi ooli?

²⁹ Kahchu Jesus ateyatetla toowehchu yehti, Suni chu ehlawotatye taoontya naghosyeassi, kahchu satatahti ate, naghatatuhsyi ye kakaooodzutti kooh akehe kewohahch aoontye tidi ooli. ³⁰ Matukeghihliti John yataihehi otsi la tatyesut oontye, tane tsi koole? kootatinti.

³¹ Kahchu inchiooghatatyech, toowe ghati ihe, Koohtitye ate Yataihchi otsi; kooh tootyezi, Yehoo gha tawah tahtyaoontye? ³² Ahwhole koohtitye ate, Tane tsi; tane eghanejiti: ayiwo aitye tane koohkiyehti John, yaghi kwa hli tanetaghatahchne ali.

³³ Kahchu ooghatyesta kahehu Jesus tsu toowe kiyeheti, Atu koowoti. Kahchu Jesus otatihch toowehchu yehti Suni chu atu naghatatuhsesi naghakaoodzutti ayi ihe keoonaahch tidi ooli.

12

Tghachyestla keneti onketi matgha.

¹ KWA tyi yaotatich yiheaghasule. Ehlaiti yaghi tane oonehye chiche chok chine ochunehyehti, kahchu anetye ootaisuggi oola lon, kahchu hayaghinkyeton ayeti chiche tu taaoohklitigha, kahchu nayaghintsih khaghatai kwa, kahchu yaniyiooh oonehyene tane, kwa tontyetsidesha.

² Kootoo koonioonizutooh otsiyateha ayi ehlaiti yakeotiche yinkhadoya natlone tezoo, yayual assilon chiche natlone tezoo chiche chine oochunihyehi tsi. ³ Kahchu nighatintyi, kahchu kikutatooz, kahchu tahzoh achukihteha. ⁴ Kahchu yachideha achune woaime; kahchu ine tsihadehyitl, kahchu tsinakoozehai yetsi ihe, kahchu achukideha maooya ooli.

⁵ Kahchu achune otsideha; kahchu ayi hazehai; kahchu achune natlone, tahkine chu kikutatooz, tahkine chu kizehai.

⁶ Kwaka ehlaiti machue ayehi, o-ochi mandayadetlahoo, ayi chu haist-lachi yachiyadeha toowe ehti ihe, Kiya indi nootghahassi sechue.

⁷ Ahwole ayine oonehyene tane toowe hlaghatati, Tunela katsila kakaoozutassi; kwa hoote zaoogheli, kwa naghani kakao-odzutassi.

⁸ Kahchu nighatintyi, kahchu kizehai kahchu khakitihtyi chiche chine ochenihyehi ii te otsi.

⁹ Yea aaoti ayi kakaoodzutti chiche chine ihe ochanahyehi? yuhchi-natlone chahtawoleissi oonehycne tezoo, kahchu achune chiche chine ihe ochanahyehi ghaoaalassi. ¹⁰ Koo kahchu atu makeh ootaghatechila tidi aduskles; ayi tsye kiyenali? ayine nito kwa aootline ayi hatse oohniya sookewostidi: ¹¹ Tila Aghakaooodzutti makyeoahchi, kahchu ohtye kawochulih naghataitgha?

¹² Kooh chu oonkhaghanatgha kiyuhchutigha, ahwole tane eghaue-jitlon: aghatane atawo-otihi ihe ako-oyehti ihe ayi meaghasoochali: kahchu kiyechutestyetton, taichi ghanintyel yu.

¹³ Kahchu kichiteha tahkine Phariseene chu Herodian chu, kiyukluhchi gha yazake. ¹⁴ Kootoo nighanintyel tsi, toowe kiyeheti, Taneghaotatich atawotih hlodinti, atu chu ooline inaoohoontyiassi: atu chu kyinditanha tane oontya kehe, ahwole taneghaodintich Nagha Tgha oontya kehe matlontideh: Tsiwohzon la machulelu mehtikechilehe sooniya Caesar, intooe ate chu? ¹⁵ Kaooyeli la, atu kaooyeli koole? ahwole atai atawonatioo meaneahe, toowe yehti, Yehoo gha sakaootahun aoontye? sananahah sooniya satsoone, wosyekhai.

¹⁶ Kwa nakiyiooh. Kahchu toowe yehti, Mea achintye sikooh kahchu takehnichatinklesi mindizi? Kahchu toowe kiyeheti, Caesar tsi.

¹⁷ Kahchu Jesus ateyatetla toowehchu yehti, Caesar ghanahah ayi ooli ayahi Caesar, Nagha Tgha chu ooli ayahi Nagha Tgha. Kwa Kiyaoolih.

¹⁸ Kootoo kooyinkhachatestyetl ine Sadducee yaghine nachaghintai oontooe ghatine; kahchu taoontya kiyeheti toowe ghati ihe,

¹⁹ Taneghaotatyehchi, Moses aghaadusklesiih, Ooline mekye tehtsut, ate, matsiyue chu yechodyesha ate, kahchu tsito atu yechodyesha ate, mekye matsiyue niyatahtyeloo, yaskyeg yayanuhi tsito mekye.

²⁰ Oowhilihi taiuchine hlyehligi ghili: kwa ayi hatse tsege nitinty,

tehtsutooh atu tsito yechodyesha. ²¹ Kooh chu haladi tachi tsege ninayatiptyi kahchu tehtsut atai chu atu tsito yechodyesha: haladi tachi ayi chu kwaka hlyeih. ²² Kahchu taiuchi aline aghahii, kahchu atu tsito yechoghatatyel: hli haistlahchi ayi tsege tehtsutii. ²³ Hooghaghintyetyl tsi, tsitike ghaiskyte tsi ooli ate mea soo ate yakahoota tyiooh? taiuchi għili aghanetye kookahsatalon.

²⁴ Kahchu Jesus ateyatleta toowehchu yehti, Atu kha yaghayala, atu itawahtih ihe, aduskles tyiyi, Tikeaootli koole manatsutti? ²⁵ Kootoo tsitike għaiskye ate koozette otsi atu inkah tueakoochila koole atu chu hlakoochilalon; ahwole keotihchi tyiyi yegħinħtylelon yataihchi ati. ²⁶ Ahwole tehtsut ine, tsitike nawokyesi: atu makyeh ootagħatyeċħtaħ ooli la Moses adusklese, tyeha yehti kat tsagħeħtonti Tikeaootli yechiintechii, Suni Tikeaootli asli aoontye Abraham tħha asli, kahchu Tikeaootli asli aoontye Isaac tħha asli, kahchu Tikeaootli asli aoontye Jacob tħha asli?

²⁷ Oochu natooene atu yet aodeha ahwole yagħitane għa: ayi ihe o-ochi kayaghħatsut.

²⁸ Kahchu ehlaiti adesklesi yahchidyesha, kahchu atitsuklon ihe in-chiotatyech otye, kahchu atawotihoo tsiwħażżeen ateyatetlalon, taoontya yeħtilon, Tyeya ootaiħchi hatse tsiwotsat�ehli?

²⁹ Kahchu Jesus toowe hakehe ateyatleta, Hatseto tsiwotsat�ehli an-tye asikoh titih Nea oozintso, Israel; Nagħaghatai Nagħha Tħha atane zon Nagħaghatai aoontye: ³⁰ Kahchu maoontye Nagħha Tħha Nagħaghatai atgħe nedzye ihe, kahchu atgħe matsinde ihe, kahchu atgħe nindi ihe, kahchu atgħe nanatsutti ihe: ayila hatsetoh tsiwotsat�ehli. ³¹ Oo ayi onkye kwa hlye oontye, toowe hakehe, Matagħoonti neħtanoo natsun matintya kehe. Oontooe tsiwotsat�ehli ootaiħchi miindichatoħħi tżon.

³² Kahchu adesklesne toowe yehti. Kwa hli Tanegħaotat�echi, kooh tintiħiħ hlonchati: ehlaiti zon Tikeaoothi ali; atu achune atune zon: ³³ Kahchu machutye atgħe khadzye ihe, kahchu atgħe atsatitsuk ihe, kahchu atgħe khatsinde ihe, kahchu atgħe mehnatsutsut ihe, kahchu yuuatutih yetħanoox atwati yakehe, ootaiħchi kyeindi ooteħha ayi aghħoo atgħe tsħiħiħi chu ingħade keoħchaachi chu.

³⁴ Jesus wa-inchi ooyu tahwoħżon, toowe yehti, Atu tontye tsi anatih Nagħha Tħha natagħe otsi. Atu ayi keh taoontya atu nichatitah ooli.

³⁵ Kahchu Jesus otyesta toowehchu yehti tanegħhaotat�echoo saħtgha tyetħachatihi kwa tyiyi oota, Yehoo għa adesklesne koogħatya oontye Christ David machue? ³⁶ Ayi ihe David atane kooħħati kooħħiħi Atsinde Oochu ihe, Kakaoħdżutti kooyehħi Sakaaoħdżutti, Nuni sintu nooħtichintye atħażżonih aiseakoo yasle ate tsintanice.

³⁷ David atai hooħħati nai Kakaoonadżzutti yehti; tyechi otsi għa machue yilontye? Tyetaisana ħnejja kyeħħi koo ħażżeen.

³⁸ Kahchu toowe yehti machiooteħ, Matsagħha għalha adesklesne, tane ayine kwaghħintyene koo kestue yaintyesne, kahchu kwaghħintyek kħiha chihħiċċe inchiataħħachuli. ³⁹ Kahchu asta otyiħti tyetħachatihi kwa, kahchu o-ochi natagħisatoħha asta kweħluchayiħi: ⁴⁰ Chaħħi akiy়ila ya kwa waatyiħi, kahchu tane ghanaahoo oontyes ooħħat�ech: ayi ti otsinighatoallassi oħħiye otaiħchi ketseliħħoo keoħħaħħi.

⁴¹ Jesus chu sata sooniya ninchatilesti oħġade, kahchu tane ya-ih iotsi sooniya otsiyatilyihoo kweoħt si nisħiħi sooniya; natħonee chu

tatintlone natlon kwechihatehul. ⁴² Yuhchidesha ehlaiti tsege tiesunni waatyihi ali, kahchu kwehchiyatehyitl o-ochi yauntsutli onketya sooniya satsoone toolya ehlaiti sooniya satsoone enetye eyontyi.

⁴³ Kahchu yaotatichne tyechi yehti, toowehchu yehti, Kwa hli anaghaisii, tai tiesunnioo waatyihi naghataihchi ohtye kwechiyatestla, anahtye naghai ooia kwechitala sooniya nichatilesti: ⁴⁴ Ayi ihe aghanetye kwehchighadestla kootatintlon otsi; ahwole atai yindatli otsi kwechiyatehyitl anetye ayehesi, anetye ooli yighataisi.

13

Tghachyestla keneti taiti matgha.

¹ HOONTATAHOOH tyetachatlihi kwa otyiyi tih otsi, ehlaiti yaotatichi toowe yehti, Taneghaotintichi, nea ti tsye naih atotye, kahchu nito kwa atotye chode ooli!

² Kahchu Jesus otyesta, toowehchu yehti, Onaila tidih kwa tyiyi tonli? atu ehlaiti woo meachu chatuyesi tsye tasao nachatihulassi.

³ Kahchu sata klataihchi khis ke Olives ooghade tyetachatlihi kwa tyiyi, Peter chu James chu John chu Andrew chu taoontya kiyehtilon sahti aghati zahtgħa, ⁴ Aghatatinti, taisatsi ooli kħoonioozit aoontye? kahchu ate taootyaointye kootoo anetye ooli ooghade nininkye ate?

⁵ Kwa Jesus atoyatetla toowehchu tysi ehti, Tyekke atuline naghħooħooħ: ⁶ Natlone chu yuhchighatuttyelassi sindizi kehchi, toowe għatuti ihe, Suni Christ; natlone chu ghanoħoħass. ⁷ Kahchu atahtsuk ate natsapahi kahchu natsapahi eoyu ate, atu nagħha khazatawaħtel: ayi etye ooli kehchi nio-otsitass; ahwole halohchi atuka koohnao-ożitass. ⁸ Ayi ihe ehlaitidi tane għatagħitodek kiyinkha għatapah achu tanane, kahchu tane tike inchi niiħħach: kahchu eonetye tsi tike ootooloone tsi, kahchu wo-olyesi to khasħħai tsookachatayhi chu: ayila tatyeski ochati kyeatsunatsitti.

⁹ Awole achukħħahaħta nagħai: naghħagħatoochitassi tsiwotsatylchi; kahchu tyetachatlihi kwa oota nagħatgħatħutsutyesassi: kahchu nanaghħachulelassi haladi tsiwotyih metihi o-ochi metihi tyiyi chu suni ihe, ayi ihe kooyeh oogħaħtichoo. ¹⁰ Kahchu otich oochu ihe hatse kooyehħoochutichassi tike okehe atgħe tanane tsi. ¹¹ Ahwole otsinaghħachataistle ate, kahchu nagħħachataitsut ate, atu ahunataihchi kindiwaħħtsit atawaħtyakehe sootasun koole ataghħahkyakehe: ahwole ooli si nagħħachuallassi ayi sakeħchiaghali ayi otaħtich: atu nagħani otaħtyech ahwole Atsinde Oochu.

¹² Mekye taza ihe yatutsitassi azeche tsi mekye, kahchu atgħa khachue; kahchu tsihone koonahchine niwotyellassi, kahchu nakiyyuteissi tsazuheli għa. ¹³ Kahchu nagħai tane nagħħachatuh Ikeassi sindizi ihe: ahwole ayi ayuhi haistlahchi otsi, ayi nachaoħtaisi.

¹⁴ Ahwole wa-itah ayi metselihi chahtehnitsutsi tsi kamaotatħejhchi Daniel atanataihchi atawatihi nachaghħintsittu ayiti o-ottooassil, (ayi aghasule inkai ootootsukki,) inkai ayine Judea aline kħis tsi għat-taħżeże: ¹⁵ Kahchu ayi taħtagħatxi nito kwa atu nooħħa nito kwa otsi, koole atu ayite kwewoya oolitħu nitooaluh makwa otsi: ¹⁶ Kahchu yagħi achunihyehti oota ati atu tħalli tħalli yehat yetakħati niyatooallu. ¹⁷ Ahwole atu oochu awoħtyeissi ayine koozita tsito teħtsine, yaghixne chu tsito yeħtochnej ayi dzinee! ¹⁸ Kahchu aghasuhahlih nahuthataklihi

atu yaske ooli. ¹⁹ Ayi ihe dzinee oolezi tsookachatayahi, ayi etye natooehi zon ooliih toh otsi hatseto tike ooli toh otsi Nagha Tgha ayilaii, kwa hlilon too otsi, atu koole o-otoowesi.

²⁰ Kahchu atu Tikeaoottli dzinee nakhasse oolai ate, atuline ootaizilon: ahwole matghachihchine tsi, yatgha-ihchilon, natya oolalon ayi dzenee. ²¹ Kahchu ooline toowe naghahtye ate, Nea, taila Christ; koole nea, yaghithi atih; atu a Kootaghahti: ²² Ayi ihe atu tyeswe Christ kahchu atu tyeswe ghaghatane niwootyelassi, kooh chu kiyuesi ehtole kahchu ka-wochuli, aghanooahi gha, awowootli iyu aoontye ate, matghachihchine. ²³ Hoontyeoo khama-inditahsit naghani: nea, naghatasih atghazi ooli ootagha.

²⁴ Ahwole ayi dzinee, kaohtzut ate ayila tsookaehatayahi, sa ihewohe-lassi hatleke iza chu atu kaooalassi maoootaghe, ²⁵ Kahchu yataihchi sun ooli nakylelassi, menatsutsutti yataihchi ta ooli yatooloonassi.

²⁶ Kwa ayiti kiyueissi teze Chue yuhchidesha khoos tgha o-ochi mehnatsutsutti chu tsatinchai chu. ²⁷ Kwa iiti otsiyateha yakeotihehi tyiyi, kwa chu nachaghanolelassi yatghachihchine tyeotatyechi otsi ninchi, o-ochi tike wolanhchi otsi kwa hlilon o-ochi yataihchi lonhchi.

²⁸ Kwa hoote ookaatawahti mihe achati chiche chine tsi; kootoo kwaka matatse natsutletonh, kahchu ato nehyehtha, atawahtihoo hwaza atoleh ooli: ²⁹ Kooh otye naghani chu, wa-ichi tidi ooli koohnininkye ate, atawahti kwa hwa ooli, tusklah koole. ³⁰ Kwa hli anaghaisii, taine yahlaniyune tanane atu koolonh oolesi, aise atghe ooli tidi achahi. ³¹ Yataihchi chu tike chu o-otooesi; ahwole sezake atu woloh oolesi.

³² Ahwole ayi dzinee kahchu ayi sakehchiahali atuline atawoti, ama, atu keotihchne tyiyi yatehchi atine aghoone khachue aghoo, khatgha zon. ³³ Tyek naghai, ootanahi kahchu aghasuhli: ayi ihe atu atawahti kooh nawizut ate. ³⁴ Tezoo Chue ali ihe tezoo yetye tontyetsi tatyeh ihe, tanito kwa kyechotyesha, kahchu yatsiwosta yakeotichne, kahchu anetye tezoo keotihch akehe, kahchu ayehtii tusklah khaghatai ootanoo gha.

³⁵ Ayi ihe ootanahi: atu atawahtihoo aoontye kootoo nito kwa khaghatai naoochati, kahkachi koole, hatleke tatichi koole, tihchok otyesta zahtgha koole, hatlindo koole: ³⁶ Intyizon nooja ate, atu nahoohtyeloo satyechu. ³⁷ Kahchu ayi anaghaisii anetye kooyesi, Oonahi.

14

Tghachyestla keneti tinti matgha.

¹ Onkyeti dzinee oolesta ooli kwehlachayihi passover achati, kahchu otles atu chehyutli: kahchu taneghaotatyechi tyiyine adusklesne chu oonkhaghanatgha oolakehe naoonai nighatuhtyeli gha, kahchu kizuhelyu. ² Ahwole toowe ghati, Atu kwehlachayihi dzinee eli, atu tane inchiniootyelu.

³ Kahchu ali Bethany tih ma kwa oota Simon chusache ayahi, intyizon sata atsitsoo yuhchidesha tsege ayahi khluk tsye khaisis spikenard otsi o-ochi matahi natlon; kwa yataghataghiooh tsye khaisis yitii, kahchu yatsi kachi nayadinklit.

⁴ Kahchu tahkine atu keghaneli kooyindi ihe, kahchu toowe ghati, Yehoo gha tidi ghatsatystka tidi khluk? ⁵ Ayi ihe ataghachulekhai ootai-hchi tghakooch keonet i ketyi sooniya satsoone ihe, kahchu tyetaisanaini ghachulelakhai Kwa atu tyeswa akiyehti.

⁶ Kahchu Jesus toowe yehti, Atu machuwahati; yehoo gha machisootahtyihch? ootaihchi oochu saatyiinh. ⁷ Ayi ihe inkaa eahline tyita-isanaini, kahchueooneye akootahti o-ochi akooyaghaklehesi: ahwole suni atu inkaa naghaasli. ⁸ Koo hatihih machitelonh otsi: ootagha yuhchidesha yuhthlukke gha oochu nisachutyl gha. ⁹ Kwa hli anaghaisii, ooli tsi otsi tidi otich oochu moohwochatih ate tike okehe, tidi chu atii moohwochutyehe menachutihi gha.

¹⁰ Kwa Judas Iscariot, ehlaiti keneti onketi matgha ihe, yinkhadesha taneghaotatyech tyiyi metihe, ooli oochadehyitli kyehodewoosh, ¹¹ Oohaditsuk chi, ohtye kyeheanelilon, kahchu ootagha tsi akiyehtilon sooniya yaooleli. Oonkhanatghalon tyehakehe sookah nio-otsitigha chahte autigha.

¹² Kahchu hatseto dzinee otles atu chihyutli, kwa ooghazehai passover, yaotatichne toowe yehti, Tyecha koodinti nataghassootaoozani ate oonsitsi passover?

¹³ Kwa onkye tane yaotatichne yitai tyeha, toowehchu yehti, otsi-tahtyel nitc kwa otyiyi tsi, kwa matiti tagahazasi ehlaiti teze yaalu ehlaiti mehtukachatayehi taismanooh tu ihe: makehtahaz. ¹⁴ Kahchu kwiyesitti, toowe ahti nito kwa kakaooodzutti, Wondi achune kwa ayiti o-ositsti passover mawotastihchne chu? ¹⁵ Kahchu wahih naghotosi ooncha tyinta ooli chelohchi soowachisunooh: Naghani gha iehti soowatahsun.

¹⁶ Kahchu yaotatichne yitaughatestyetl yuhchi chu ghatatyetl nito kwa otyiyi tah, kahchu woghiooh akooyehtiii: kahchu yatagha sooghihsun passover.

¹⁷ Kahchu kahkachi yuhchinooja keneti onketi matgha chu. ¹⁸ Ghadehtsi zahtgha kahchu eghinta, Jesus toowe ehti, Kwa hli anaghaisii, ehlaiti naghai chodeh sakaehthane chahte asooti.

¹⁹ Kwa tyi atu keghaneli, toowe chu tyi ghati ehlaityekoo, Suni la? kahchu hligi toowe ehti, Suni la?

²⁰ Kwa ateyatetla toowehchu yehti, Ehlaiti kenetye onketi matgha ihe, yaghi tila ihe setyi tsa ihkye. ²¹ Tane Chue otsidesha, takehnichatinkles akehe otye: ahwole atu oochu oontye yaghi teze tane Chue mihe atahachahi! otaihchi o-otaizilon yaghi teze ihe atu niniya tah ooli ate.

²² Kahchu aghatsitsoo zahtgha, Jesus otles tyes nidiooh, kahchu merci ehti, kahchu tahke yataghiyits, kahchu yayiooh, toowehchu yehti, Nitahah, mehtah: tila sazi alonte.

²³ Kahchu nidiooh mehtusato, kwa kayioo merci, yayiooh: kwa aghanetye ayite otsi tughatolon.

²⁴ Ahwole toowe yehtiii, Tila sa tulle alontye aduskles koonde ihe, oontlo chi otsi tyechihkliti. ²⁵ Kwa hli anaghaisii, atu otaihchi wostoissi machiche chiche tu chine tsi, kwa hlilon yaghi dzinee kwa kootyinusto Nagha Tgha nataghe.

²⁶ Ehlaiti hyin eghachinooh khis Olives tsighatestyetl.

²⁷ Kahchu Jesus toowe yehti, Anahtye naghai atu oochu inditaghaisi suni ihe too hatleke: takenichatinkles akehe, Ooshalasi aspai ghaghatai

haslai ite eonetye tsi natihassi aspai. ²⁸ Ahwole tsitike netai ate, naghaghatuhshezi Galilee tsi.

²⁹ Ahwole Peter toowe ehti, Inkai ahwole aghanetye atu keyaneli ate, hoontye koole suni intue.

³⁰ Kahchu Jesus toowe ehti, Kwa hli anesi, tidi dzinee, tidi hatleke te, atu ka onkye otyesta tyeh tihchok, tghakooh oohchit soota-ghoontyesi.

³¹ Ahwole otaihchi otatich hloduhs kootieh, Ahwole nakah tanesut ate ooh, atu ihlawotatehoo oohchit noodustyeisi. Kwakooye otye aghatane chu ghatihh.

³² Kwa koohnaghintyel Gethsemane woyetih: kahchu toowe yehti yaotatichne, Nea aghasushlito sakyeh. ³³ Kahchu yehtestyetl Peter chu James chu John chu, kahchu o-ochi inditatunne, kahchu matsun tah oonkhail acha; ³⁴ Kahchu toowe yehti, Setsinde o-ochi atu oochu atyetatih azetse tsi: chode ahhli naghai, kachchu ootanahi.

³⁵ Oontsule wotaihai otsidesha-ih, kahchu tike wozohnih nwatsutooh kooyekehchi tyetaooklihassi sye makehchi nio-otsilon, ayi sakehchi ahalai yao-otsitooh. ³⁶ Kahchu toowe ehti, Abba, Tyeih, atghazi ooli tahnootsut nuni; tidi mehtutsato saoone naniah: hoontye ooli atu suni koostii, ahwole nuni koodinti.

³⁷ Kwa yahchidesha, nayintyi satyi, kwa toowe yehti Peter tsi, Simon dintyi la? atu ooniila ehlaiti meoochanehoo? ³⁸ Oonahi kahchu aghasuhli, atu otsitawohazu inkaoochatauntih. Atsinde kwa hili ootagha, ahwole khazi chintyeh.

³⁹ Kwa yitai tyesha, kahchu oghasulih, kahchu kwaka ayi zake ihe ootatich. ⁴⁰ Kwa oondehsha tsi, yintyi satyi kahchu, (kootai ya-inkhai ihe,) kahchu atu ataoati atyekitooklih akehe.

⁴¹ Kwa tghakooh yuhchidesha, kahchu toowe yehti, Kwa hwe satyih, kahchu niwotahah mehnatahyihi: kwakoole, meoochanehoo koohnaooizut; nea, tezoo Chue mataghachila taghila tsi metselineh.

⁴² Niahytel, yitai tawotyeli; nea, yaghi atu oochu asehti kwa hwa atih.

⁴³ Kwa kwete, kwaka ootayehchoo, yuhchidesha Judas, ehlaiti keneti onketi matgha ihe, kahchu yihtestyetlooh tane natlone simakanis pyese chu mekachatayitli chu, taneghaotatyehchi metihi tyiyi ihe, adesklesne chu hoola atityine ihe.

⁴⁴ Ooh yaghi atu oochu ayehtii yayiooiih mehyachanitsiyi, toowe ehtieh, Ootayatasihchassine wohtsiewohzyesi, ayila ayi; nintahtyeh, kahchu yitai tahtyeh tyekeh. ⁴⁵ Itetyeh nooja ate, tsiwohzon yatsi anaatahlu, toowehchu ehti, Metih, methihi; kwa yunchighachi. ⁴⁶ Kwa kiyinchut, kahchu nighadintyi. ⁴⁷ Ooh hligi ayiti naghatehyane tapyese natyese ghayaghachut, kahchu nayatehul yakeotihchi taneghaotatyehchi metihi tyiyi, kahchu yatsakhe tyeghihyitl.

⁴⁸ Kwa Jesus ateyatetla, toowehchu yehti, Ihla unoosi khataachila pyese intyesi yu mekachatayitli yu tala nisataghahentyel?

⁴⁹ Naghaikyastaichii dzinee eonetye tyetachatlihi kwa oota taneghaodintlhchoo, atu chu nisatahtyih: ahwole aduskles tyiyi tikewokyeli. ⁵⁰ Kahchu aghanetye kiyechodestyetl, kahchu taghoghadehsut.

⁵¹ Kwa ehlaiti uskye yakehtehtla, atetakhatooh chatachi takulli intyedi ati; kwa uskyegoone kiyinchut:

⁵² Kwa kyechodyesha ayi chatachi takulli, kahchu tghihklah intyedi.

⁵³ Kwa Jesus otsighatehtyi o-ochi taneghaotatihchi metihi tyiyi atindi: kwa ayiti atghe yeghati taneghaotatyehchi metihi tyiyi hoolaatitine chu, adusklesne chu. ⁵⁴ Kahchu Peter tontyetsi otsi yakehthklalon, koole taneghaotatyehchi metihi kwa tsi: kwa yakasatah keotichne, na-itziluh khoon tsi.

⁵⁵ Kahchu taneghaotatihchne metihi tyiyi atghe chu tsiwatilhne ooahatakyet otsi ayi ihe atu oochu akiyuti Jesus kizuheli; ahwole atu oontsutli ohwiooh. ⁵⁶ Ayi ihe natlone ketseli hakehe athlaghatati, ahwole atu hleoontye taghasoocha ootihe.

⁵⁷ Ooh tahkine nighintyel, kahchu atu tyeswe akiyeheti, toowe ghati ihe, ⁵⁸ Tasitsukih atyakehe, Chahtehaooslyeasi tidi tyetachatlihi kwa tyiyi atsila kila ihe, kahchu taiti dzinee aoocha ate achu nao-osiasi atu kila ihe. ⁵⁹ Ahwole aghatane chu koosoochawotihi atu hleoontye.

⁶⁰ Kwa o-ochi taneghaotatyechi metihi tyiyi ookaze nazut, Jesus tsi taoontya yehti toowe ehti ihe, Atu atyetunatl la? ye ihea ayi chahte anaghatya oontye? ⁶¹ Ahwole atu wotih, atula kehe chu atih. Kahchu o-ochi taneghaotatyehchi metihi tyiyi taoontya yehti, kahchu toowe yehti, Nuni la ayi Christ, ma, Chue Moohchuootaya?

⁶² Kwa Jesus toowe ehti, Suni ayi: kahchu wahyesi tezoo Chue satah noohtichintye mehnatsutsutti, kahchu yahchityesha khoos yataihchi.

⁶³ Kahchu taneghaotatyehchi metihi tyiyi tanatunne yaghinchil, kahchu toowe ehti, Ye ootaihchi a soochawochatih khasootiti aointye? ⁶⁴ Ootahtsukih mehe atachochihliti: naghani ta kootahtya? Kwa aghanetye kooye hlaghatat tsazuheli gha. ⁶⁵ Kwa tahkine tyekookeghizek, kahchu yani aghataghight, kahchu nakiteghul, kahchu toowe kiyeheti ihe, atanataihchi woka atawonati: Kwa keotihchne nakiteghul taghila tyiyi ihe.

⁶⁶ Kwa Peter yiyue nito kwa otyiyi ti ati, yuniya ehlaiti taneghaotatyehchi metihi tyiyi yawoai tsege: ⁶⁷ Kwa ya-i tsi Peter naitziluh, yakaitghah, toowehchu ehti, Kahchu nuni chu mehtintyeliih Jesus Nazareth otsi tatzeyutti.

⁶⁸ Ahwole atu a kooti, toowe ehti ihe, Atu atawosti, kahchu atu atasuk atintya kehe. Kwa hadesha tyinta weswatih otsi; kwa tihchok tayidze otyesta.

⁶⁹ Kwa keotihche tsege kahchu ya-ih, kahchu toowe tyiyehti ayine ieti nehyane, Taila ehlaiti ayine tsi. ⁷⁰ Kwa kahchu atu koo ooli ehtilon. Kahchu kluhtai ayine ayite nazati, toowehchu ghati Peter, Nuni nooklya ehlaiti aghatane tsi, ayi ihe Galilaean nali, kahchu kooh nakasse atih.

⁷¹ Ahwole ketseliiooh wotyhi zon ohtye ootatyehch, toowe akehe, Atu atesti tai teze mamawotahtyehchi.

⁷² Kwa onkye tihchok tayidze otyesta. Kwa Peter kyecheteheti yaghi sa Jesus ayehtiii, Atu ka ootihoo tihchok tayidze onkye tghakooh oochit sootahoontyezi. Kwa hlilon ayiti indi ootinta, nachaihchahli.

15

Tghachyestla keneti hlachethi matgha.

¹ Kwa kwete hatlindo aooclia taneghaotatyehchi metihi tyiyino aglianctye ehlakehe tsiwonzon tsiwowatilh hoolya atitine chu adeskilesne chu hlito aonetyo gha tsiwoghsashi ihe ayi chu, kwa Jesus tahkiyagheskluli, kahchu achukcdehtyi, kwa kikalmihtyj, Pilate.

² Kahchu Pilato taoontya yehti, Nunila o-ochi koometihi tyiyi nalila Jewne gha? Kahchu ateyatetla toowohcliu yehti, Kooh tintya oontye.

³ Kahchu taneghaotatyehchi metihi tyiyine chahte akiyehti ooU nation ihe: ahwole atulakehe atyeta-i. ⁴ Kwa Pilate kahchu taoontya yehti, toowe ehtie, Atu lakehe atyetanatla la? nea taitya ooli ihe chahte anaghahti.

⁵ Ahwole Jesus zon atu la kehe aye ih kwaka; kwa Pilate kawoolih,

⁶ Ooh ayi kwelachayihi ehlaiti yezookeh ninkho kvyechetyesne, ooli assine nioonunisit assine. ⁷ Ayiti hligi aliih Barabbas ooyeih, ihkah-tah chaghcsklu ayi yekatichii kwa akiyila indiootaunne, kootoo tane zehai ihe indiootatunne ayiti. ⁸ Kwa natlone ohtye oghatystea tyi yatsi niooghanunisit kooh hakiyulihi gha kooli zon hakooylai ihe.

⁹ Ahwole Pilate ateyatetla, toowc ehti ihe, Kooh kootahti la nagha-chitulisiti Jewne o-ochi koometihi tyiyi? ¹⁰ Atawahtihi ihe taneghaotatyehchi metihi tyiyine yatagliintsutti ihe mihe incho-otsa-i. ¹¹ Ahwole taneghaotatyehchi metihi tyiyine kichinagbayyy tanene, otaihai koochitoottsiit Barabbas.

¹² Kooh kahehu Pilate ateyatetla toowehchu yehti, Takootahtya osli-hasi kooh yachi o-ochi koometihi tyiyi Jewnu woyi?

¹³ Kahchu toowe hakehe oghatesta, Klaniaitih ninihtyeh.

¹⁴ Kahchu Pilate toowe ehti, Ye tahtye ketselihoo atyunte? Kahchu ootailichi o-ochi oghatesta, Klaniaitih ninihtyeh.

¹⁵ Kwa Pilate tane gha kasootati chatupisha gha, yakahninooh Barabbas assi, kahchu Jesus taghinchut, yakhataghitoos, klaniai nichuhtyelu,

¹⁶ Kwa simakanisne otsighatelyi tsiwat�ehli kwa, Praetorium wotsatiti; kwa tyechi kiyehti ihlakehe atghe simakanisne. ¹⁷ Kwa natunne taghaghintyi aghapai tatulli ihe, kahchu kiyesku o-ochi metihi tyiyi chahte hoos chok chine ihe, kwa ita tsi gha ghiooh, ¹⁸ Kahchu tyi yila ooghatthoon toowe, Yea mehsuchanetyi, o-ochi kookaoonazut Jewne. ¹⁹ Kahchu nakidehul yetsi chokhaiye chok ihe, kahchu kikighizek, kwa yatsitaghatsunne ootooghanehzil yatsi nachusghataklih! ²⁰ Kahchu kiyachatyel atghe tatulli nighadinchus, kwa yanatunne taghentyel, kahchu ghooghatetyi klaniai tih.

²¹ Kwa kitahnaghutsut ehlaiti Simon Cyrenian ali, ayi kwo noojai, tane nathti otsi Jiadesha, kootgha Alexander chu Rufus chu tahchiyatilyu klaniai. ²² Kwa nakiyinti Golgotha tsi, ayi tsati, Atsitsunne ooli te. ²³ Kwa kiyayiooh tyewootoo chiche chok tu mathuchunihklito myrrh: ahwole atu niyadiooh. ²⁴ Kwa klaniai nikiyinti tsi yanatunne atatghahaistla kikaootehunni ihe, ye anetye teze nitioolola.

²⁵ Kahchu oolitah tghakooh mehooachanehoo awatazoo dzinee ooli klaniadi nikiyinti tsi. ²⁶ Kwa achatyesklesi ayiti otsi chahteachatei takehnichanikuchihi ookeh. O-OCHI KOO METIHI TYIYI JEWNE.

²⁷ Kahchu onkyetine chu klaniadi nighanihtye unoosine; ehlaiti noohtechintye, ooh hligi chu ooslaghazihtye. ²⁸ Achudesklessi tyiyi tikenikyih, kooh woti, Kahcliu metseline kah kachanehtyeh. ²⁹ Ooh ayine kweghatilhne ayiti oontlochi kiye sootatyihch, tagliatsi ghaghado, toowehchu ghati ihe, Gha, nuni chahta wonatla tyctachatlihi kwa tyiyi, kahchu aoonatla taiti dzinee, ³⁰ Aghatinta, kahchu yulichinootinta klauiai tsi. ³¹ Aghatane chu o-ochi taneghaotatyech metihi tyiyine

ontlonchi akiyehti ihe toowe hlaghataati ihe adesklesne chu, Nayaghehta achune chu; atai koochati atu aghatatah. ³² Oonka Christ o-ochi koometih tyiyi Israel kwa hoote klaniai tsi noodoojai, wowoti khai kahchu a kootahti. Oo ayi yakah klaniadi yakah atii yataUhlon.

³³ Kwa inchitakoo klodesha sa kehchi ehalai koonaoizutooh, hatleke aoochaa tike okehe kwa hHlon kalaketi klodesha sa kehchi ehaiai. ³⁴ Kwa kalaketye sa kehchi ahalai klodesha, Jesus otyesta takaseneodi, toowe ehti ihe, Eloi, eloi, lama sabachthani? ayi tsati ihe Saghintai, Saghintai, yehoo gha sechanila aoontye.

³⁵ Ooh tahkine ieti nehyane, ooghatitsuk tsi, toowe ghati, Nea, Ehas kawothi.

³⁶ Kahchu ehlaiti otsidehta, kahchu tsifo yeatatih atihih tayatohman sootakan chiche tu ihe, kahchu nayiooh klokhayetgha, kahchu yayiooh tuwoto gha, toowe ehti ihe, Atu kinditagħaha; oonka oohwot Elias nayaghinti kha.

³⁷ Kahchu Jesus otyesta ohtye ati, kahchu matsinde kwa yecheli.

³⁸ Kwa ayi hlichatinkatii tyetachatlihi kwa otyiyi intyizon tghahkye-hchi wotye cheghinchil yataihchi ctis yiyue otsi. ³⁹ Kwa kootoo ayi simakunis metihi, ooghade nazutih. wa-i kooakehe otyesta, kahchu yatsinde yechelihooh, toowe ehti, tyewotye tune teze Nagħa Tgha Chue ghilelon.

⁴⁰ Ayiti oohwiliih tsegene ehu tontycts iotsi ookhaghanehtgha: atai chu iiti atiħi Mary Magdalene, Mary chu ma James ooia etanoohlihi kahchu Joses, Salome chu; ⁴¹ (Aghatane chu, Galilee atichi, kikeħtiesħa, kahchu ooli kooyaalih ine;) achune chu natlone tsegoo yuhchi kooyehky-ateħħiħ īne Jerusalem tsi.

⁴² Kakhaki aoocha tsi, ayi ihe intyizon dzmee tsi watseħlu ayi dzinee Manejitti dzinee tsi ooh, ⁴³ Joseph Arimathaea otsi tazehlu, tsatincha tsiwatilh, atune chu ootakah ali Nagħa Tgha natagħe, yuhchidesha, kahchu tadzye natsutih seooh Pilate kahkwija, kahchu Jesus zi ootakyet.

⁴⁴ Kwa Pilate khawooli kwa tehtsalo ate: kwa simakanis metihi tyechi yehti, tauontya yehti tontyeto għaite chu tehtsutiħi. ⁴⁵ Kwaatawatih tsi simakanis metihi yatati, tazi għiooh Joseph. ⁴⁶ Kwa atagħoola tsatache oochu takulle, kahcliu nooyaghinti, kaliclm ayi tsatache ii ihe yeħtooneħtich, kahchu niyanħti natine kwa oota tsyekas tayaghħinti, kahchu tsysi otsiyeħħi toosklahchi natine kwa. ⁴⁷ Kwa Mary Magdalene kahchu Mary Joses ma oohwa-ih nichaniħtyinti.

16

Tghachyestla keneti edzeta ħalli matħha.

¹ Kwa Menejitti Dzinee kawoħtzut tsi, Mary Magdalene, kahchu Mary James ma kahchu Salome, ataghaghila yu natunetgha tseħklutti, kwa yuhchighatatyel ate yu ihe kiyuhklukoo. ² Kwri o-ochi hatse hatlindo ooli hatse dzinee, koohnioonizuooħ natine kwa ortsighatestyel sa niiya tsi. ³ Kwa toowe hlaghataati, Mea tsysi yughħiħi aoontye natine kwa tustla otsi?

⁴ Kwa koo ookahaneħtghachi, oogħa-ih tsysi achuhchi nichuniħailo: o-ochi ghinħċaj ihe. ⁵ Kwa kwegħiaghħint yetlooh native kwa oota, kiya-ih ehlaiti uskye nooħtichintye chisinch i sata, tasata natyesooh makestue takulooħ: kwa ooniganħinti.

⁶ Kwa toowe yehti, Atu oonighahtyel: Minkhanatgha Jesus Nazareth otsi tatyezutti, klaniai nichanihyii: tsitike ghinta-ih; atu chode ali; nea nighamhtyintiii. ⁷ Ahwole ootahtab, yaotatichne tatahtih Peter chu naghaghadesha Galilee tsi: ayiti wahiiissi, naghatatyakehe.

⁸ Kwa kwete khooghatastyetl, kahelm natine kwa otsi tsmtestyetl; yaghatilonlon ihe kahchu khaooghali ihe: kahchu atuline atula kehe akiyeliti; ooniganintyelton ihe.

⁹ Kootoo Jesus niiyaii kwete hatse dzine tsiwatselhu, hatse yuhniya Mary Magdalene, ayi taiuchi atsmde metselihi yazi otsi hayateha-ii.

¹⁰ Kwa yatatilon ayine yehkyatehchiine, tsukye atu yaghita zahtgha kahchu ghutsakooch ¹¹ Ooh ahatane, ooghatitsuk tsi ghata, kahchu ya-ilon atu a kooghati.

¹² Ayi keh yuhniya achu akelie ouketye agha tane Ihe, ghataihlu zahtgha, achu tike tsi otsighataihlu. ¹³ Kwa kitati achune: kahchu ama kiyehти ayine.

¹⁴ Atyechi yuhniya keneti ehlaiti matgha aline ghiskye eghehta ootye, kwa yachiotatych majih oontoei kha kahchu yadzye natsutti kha atu a kiyuti ihe ayi yakehtghaii tsitike nesta.

¹⁵ Kwa toowe yehti, Otsitahtyel tike okehe matatahti obicn oociuu anetye tane. ¹⁶ Ayi a kootyetti kahchu tumakechaghinkliti nachawohtyezi; ahwole yaghi atu a kootyetti cлаhta chuleesi. ¹⁷ Kahchu tidi yachanahai yakeh ootoohsitassi ayine a kootine; Sindizi ihe kehchi ghakitoolelassi atsinde metselihi; oogliatootyehchassi atsoodi koondi ihe; ¹⁸ Nootuze nighatoohtyellassi; oolita tughato ate chu azetse ahi, atu kootoohtihassi; kikatootiassi yatitihne, kwa oochu nakiyaooleteissi.

¹⁹ Kwa Naghaghatai sakyedesutooh, yatai otsi nichatihtyi, kahchu sata-ih Nagha Tgha noohtichintye. ²⁰ Ahwole achughatestyetl, tike okehe tane chiwoghatihi ihe, Naghaghatai kahkeooghatihchoo, kahchu sa natsut oola kaootsooli chu intghaninkhi. Amen.